


144 - 146

No. 144 - 146
No. 144 - 146



續文獻通考卷之一百四十四

皇明進士雲間王圻纂輯

謚法考 後梁帝后謚

肅祖姓朱氏名黯宋州碭山午溝里人開平元年追謚宣

元皇帝廟號肅祖 妣范氏謚宣熙皇后

敬祖名茂林黯子開平元年追謚光獻皇帝廟號敬祖

妣楊氏謚光孝皇后

憲宗名信茂林子開平元年追謚昭武皇帝廟號憲祖

妣劉氏謚昭懿皇后

烈祖名誠信子開平元年追謚文穆皇帝廟號烈祖 妣
王氏單州單父人少寡携其三子傭食蕭縣劉崇家温
鎮宣武時載以歸封晉國太夫人温未即位先卒追謚
文惠皇后

太祖名晃誠第三子初從黃巢為盜已降唐拜宣武軍節
度使賜名全忠累兼數鎮封梁王開平元年遂篡唐而
有天下乾化二年為子友珪所弑謚神武元聖孝皇帝
廟號太祖 張皇后碭山縣渠亭里富家子生末帝天
福元年卒末帝即位追謚元貞皇后

後梁諸臣謚

太子兼中書令贈尚書令羅紹威貴鄉人梁時謚忠壯
保義節度使潞州東北面招討使同中書門下平章事贈
太師瑯琊郡王王檀京兆人始終為梁臣貞元中謚忠
毅

司空贈太傅長樂郡王馮行襲均州人梁時謚忠敬
後唐帝后謚

懿祖名執誼本姓朱邪唐賜姓李氏其先沙陀人同光元
年謚昭烈皇帝廟號懿祖 妣崔氏謚昭烈皇后

獻祖本名赤心執誼子唐懿宗賜姓名李國昌仕至鴈門
以北行營節度使廣明二年卒同光元年謚文景皇帝
廟號獻祖 妣秦氏謚文景皇后

太祖名克用國昌子仕唐封晉王以仍稱天祐四年卒同
光元年追謚武皇帝廟號太祖 次妃曹氏生莊宗莊
宗即位尊為皇太后同光三年薨謚貞簡

莊宗名存勗克用長子以仍稱天祐五年即晉王位十九
年滅梁即帝位是為同光元年四年為伶人所弒謚昭
宣光烈皇帝 劉皇后魏州成安人父劉叟善卜后位

次在三特以寵立有穢行明宗時賜死晉天福五年追
謚神閔敬皇后

明宗本夷狄無姓氏一云邈佶烈氏又云代北金鳳城人
姓李氏名亶克用養以為子賜名嗣源莊宗時為馬步
軍總管鎮成德同元四年莊宗崩入即位長興四年崩
謚聖德和武欽孝皇帝 曹皇后不見其世家謚和武
憲皇后 夏皇后不見其世家長興元年追冊為皇后
謚昭懿 魏皇后鎮州平山人初適平山民王氏生子
十歲矣是為從珂明宗掠平山得其子母以歸居數年

卒清泰三年追尊為皇太后謚宣憲

愍帝名從厚明宗第五子長興四年即位尋為從珂所弑

晉天福初謚愍 孔皇后父循橫海軍節度使后有賢

行生四子廢帝從珂入立后及四子皆見殺晉高祖追

謚哀

明宗所生祖考謚

高祖聿謚孝恭皇帝廟號惠祖 妣劉氏謚孝恭昭皇后

曾祖教謚孝質皇帝廟號毅祖 妣張氏謚孝質順皇后

祖琰謚孝靖皇帝廟號烈祖 妣何氏謚孝靖穆皇后

考失名謚孝成皇帝廟號德祖 妣劉氏謚孝成懿皇后

俱天成二年謚

後唐宗室謚

明宗姪從敏謚恭惠

後唐諸臣謚

唐鳳翔節度使秦王李茂貞稱臣于後唐莊宗時謚忠敬

中書令天下兵馬副元帥太師令尚書令濟王張全濮州

人明宗時謚忠肅

平盧節度使贈太師霍彥威曲周人明宗時謚忠武

後晉帝后謚

靖祖名璟姓石氏太原汾陽里人本出于西夷天福元年

追謚孝安皇帝廟號靖祖 妣秦氏謚孝安皇后

肅祖名彬璟子天福元年追謚孝簡皇帝廟號肅祖 妣

安氏謚孝簡恭皇后

睿祖名昱彬子天福元年追謚孝平皇帝廟號睿祖 妣

來氏謚孝平獻皇后

獻祖名紹雍昱子天福元年追謚孝元皇帝廟號獻祖

妣何氏謚孝元懿皇后

高祖名敬瑭紹雍子明宗婿仕唐為河東節度使蕃漢馬

步軍總管末帝三年篡位天福七年崩謚聖文章武明

德孝皇帝廟號高祖 李皇后即唐明宗女無謚

後晉臣謚

太子少保贈太子少傅朱漢賓譙人高祖時謚貞惠

河東節度使贈太師康福蔚州人高祖時謚武安

太子太保贈太子太師盧質河南人高祖時謚文忠

後漢帝后謚

文祖姓劉氏名湍太原人其先沙陀部人以仍稱天福十

二年追謚明元皇帝廟號文祖 妣李氏謚明貞皇后

德祖名昂天福十二年追謚恭僖皇帝廟號德祖 妣楊

氏謚恭惠皇后

翼祖名僕天福十二年追謚昭憲皇帝廟號翼祖 妣李

氏謚章懿皇后

顯祖名瑛天福十二年追謚章聖皇帝廟號顯祖 妣安

氏謚章懿皇后

高祖名暉初名知遠仕晉封北平王天福十二年即帝位

乾祐元年崩謚睿文聖武昭肅孝皇帝廟號高祖

隱皇帝名承祐高祖第二子乾祐元年封周王是日即登

帝位三年郭威犯闕遇弒謚隱

周帝后謚

信祖邢州堯山人姓郭氏名璟廣順元年追謚睿和皇帝

廟號信祖 妣張氏謚睿恭皇后

僖祖名諶廣順元年追謚明憲皇帝廟號僖祖 妣申氏

謚明孝皇后

義祖名蘊廣順元年追謚翼順皇帝廟號義祖 妣韓氏

謚翼敬皇后

經三卷通考
慶祖名簡事晉為順州刺史為劉仁恭所殺廣順元年追
謚章肅皇帝廟號慶祖 妣王氏謚章德皇后

太祖名威簡之子仕漢為鄴都留守天雄軍節度使乾祐
三年弒隱帝廣順元年即位顯德元年崩謚聖神恭肅
文武孝皇帝廟號太祖 柴皇后同郡里人太祖即位
后已先卒追冊為皇后謚聖穆

世宗姓柴氏后兄守禮之子名榮太祖養以為子遂襲帝
位顯德七年崩謚睿武孝文皇帝廟號世宗 劉皇后
不知其世家蓋微時所娶也太祖舉兵漢誅其家屬后

見殺顯德四年追冊為皇后謚貞惠 符皇后父彥卿

初適李崇訓崇訓以反誅世宗遂納為繼室即位冊為
皇后未幾崩謚宣懿

恭帝名宗訓世宗子禪于宋封鄭王開寶六年薨謚恭
周臣謚

東都留守贈中書令韓國公鄭仁海晉陽人始終為周臣
世宗時謚忠正

河東行營副都部署贈侍中劉詞元城人世宗時謚忠惠
大師兼中書令瀛王馮道景城人世宗時謚文懿

道歷事五朝而列在周者以周所謚也

五代僭國君臣謚

吳王 楊行密字化源廬州合肥人唐天祐二年卒私謚武忠隆演武義元年追尊為孝武王溥僭號尊為太祖武皇帝

渥字承天行密長子天祐二年立五年徐溫遣人縊殺之謚景溥僭號追尊為烈祖景皇帝

隆演字鴻源行密第二子武義元年即吳王位二年卒謚宣弟溥僭號追尊為高祖皇帝

溥行密第四子武義二年襲為王改元順義五年僭號改天祚三年禪位于齊尋卒謚睿

東海郡王 徐溫字敷美海州朐山人楊行密起合肥以隸帳下後累官至大丞相都督中外軍事封王以吳順義十年卒追封齊王謚忠武養子李昇昇元元年僭號追尊為武皇帝明年號為義祖

南唐 李恪本唐憲宗子封建王昇元二年昇推為四世祖謚孝靜皇帝廟號定宗

超恪子昇元二年追謚孝平皇帝廟號成宗

志超子昇元二年追謚孝安皇帝廟號惠宗

榮志子昇元二年追謚孝德皇帝廟號慶宗

昇榮子為徐溫養子名知誥徐州人仕吳封齊王吳天祚三年受禪國號齊改元昇元二年更號唐復姓李氏名昇七年殂謚光文齊武孝高皇帝廟號烈祖 后宋氏不知其世家曾在徐溫帳下後以賜昇昇受禪冊為皇后保大三年殂謚元恭

元宗名璟字伯玉昇長子昇殂嗣位改元保大十六年改元泰元年尋奉周正朔稱顯德六年貶號為江南國主

以宋建隆元年薨乞追復帝號乃謚明道崇德文宣孝皇帝廟號元宗 妃鍾氏虔州刺史太章之女昇元中封齊王妃嗣主即位冊為皇后乾德三年卒謚光穆 後主名煜字重光璟第六子以宋建隆二年即位開寶九年納土封違命侯太平興國三年薨追封吳王 妃周氏小字娥皇大司徒周失之女善音律尤工琵琶後主即位冊為國后年二十九殂實宋乾德二年也謚昭惠太子異璟之子交泰元年謚文獻

初有司以其靖難功謚宣武句容尉張洎上書以太子

續文獻通考
之德承順孝愛而已不當標顯武功以垂後世璟善之
遂改謚

江西道兵馬大元帥贈太弟晉王景遂昇第三子顯德五
年謚文成

大師尚書令贈太弟齊王景達昇第四子開寶四年謚孝
昭

侍中贈中書令江王景暹昇第五子開寶元年謚昭順
宣城公贈岐王仲宣後主子乾德二年卒年四歲謚悼獻
史臣馬令曰春秋魯君未踰年而卒者書子卒以其不

全乎君也先君未葬而嗣君卒者書子某卒猶云父前
子名也皆不作謚太子異有謚固非春秋之法至于仲
宣幼殤則又甚矣東晉瑯琊世子卒而賀循以為不可
作謚君子謂其知禮

中書侍郎光政殿學士贈左僕射平章事韓熙載字叔言
北海人開寶三年謚文靖

中書令劉崇進字德修楚州山陽人謚威

康化節度使追封弘農王楊璉吳王溥子謚靖

宏州節度使宋齊丘豫章人謚醜繆熙載等四人
俱南唐臣

蜀王 王建字光圖許州舞陽人僖宗光啟二年帝幸興元以為清道使昭宗天復四年封蜀王七年僭號偽光天元年薨子衍立謚為神武聖文孝德明惠皇帝廟號高祖

後蜀王 孟知祥字保胤邢州龍岡人莊宗初授成都尹劍南西川節度使明宗長興四年封蜀王明年僭號以偽明德元年薨謚文武聖德英烈明孝皇帝廟號高祖孟昶知祥第三子明德元年立改廣政二十五年為宋乾德三年降于宋封秦國公七日而卒贈楚王謚恭孝

太師中書令宋王趙崇韜太原人謚忠武 蜀臣

南漢 劉安仁上蔡人龔祖偽乾亨元年追謚文皇帝

謙安仁子唐乾符五年為封州刺史乾亨元年追謚聖武

皇帝

隱謙長子謙卒代為封州梁開平三年封南平王乾化元

年進封南海王乾亨元年追謚襄皇帝

龔初名儼謙庶子梁末帝初襲封南海王貞明三年僭號

改元乾亨以改大有之十五年卒謚天皇帝廟號高

祖

玠初名洪度龔子初封秦王已襲位改元光天二年為弟
晟所弑謚殤

晟初名洪熙玠弟初封晉王弑兄自立改元應乾以改乾
和之十六年卒謚文武光聖明孝皇帝廟號中宗

楚馬筠許州鄆陵人後唐天成二年曾孫殷初建國因
謚為文肅

正筠子天成二年謚莊穆

元豐正子天成二年謚景莊

楚國王殷字霸圖元豐子殷起裨將唐僖宗時授馬步軍

都指揮使昭宗乾寧四年拜武安軍節度使梁太祖即
位封楚王後唐天成二年封楚國王長興元年卒詔官
爵俱高無以為贈惟謚武穆

希範字實軌殷第四子兄希聲立三年卒範嗣位以晉開
運四年卒謚文昭

吳越王錢鏐字具美杭州臨安人唐僖宗乾符二年始
為董昌都指揮使昭宗乾寧時拜鎮海東節度使哀宗
天祐元年封吳王梁太祖即位進封吳越王後唐明宗
長興三年卒謚武肅

元瓘字明寶鏐子以鏐卒之年襲位天福六年大火燒其
宮室發狂卒謚文穆

元瓘時為天下兵馬都元帥卒所司議謚莊穆王奉勅
特改文穆

佐字祐立元瓘子襲封吳越國王開運四年卒謚忠獻

俶字文德佐弟佐卒弟侗以次立大將胡進思廢之而立
俶宋太平興國三年納土端拱元年更封許王其年卒
謚忠懿

丞相林鼎慈谿人謚貞獻

丞相沈崧閩人謚文獻

威武軍節度使吳程山陰人謚忠烈

檢校太尉兼侍中鮑君福餘姚人謚忠壯

丞相鄖國公杜建徽新城人謚威烈

鎮國都指揮使睦州刺史薛溫錢塘人謚正顯

丞相曹仲達仁和人謚安成

林鼎等七人
俱吳越王臣

閩王王審知字信通光州固始人唐僖宗光啟二年兄

潮為泉州刺史卒代立是為昭宗乾寧四年尋拜武威
軍節度使封瑯琊王梁太祖封為閩王後唐同光三年

續文獻通考
卒謚忠懿子麟僭號之元年追謚昭武孝皇帝廟號太祖

麟初名延鈞審知次子先延翰嗣位麟弑而自立尋僭號以偽永和七年為子昶與皇城使李倣所弑謚惠皇帝廟號太宗

昶初名繼鵬鱗長子弑父自立偽通文三年延義令子繼業弑之謚康宗

曦初名延羲審知少子偽永隆六年為連重遇所弑謚景宗

南平王 高季興字貽孫本姓季後為朱友謙養子又姓朱已復姓高唐天復三年始拜宋州刺史梁末帝時封為渤海王後唐同光三年封南平王天成三年卒長興元年追封楚王謚武信

從誨字遵聖季興長子長興三年封渤海王應順三年封南平王乾祐元年王卒贈尚書令謚文獻

保融字德長從誨第三子從誨卒拜節度使周乾德元年封南平王宋建隆元年卒贈太尉謚貞懿

宋帝后太子謚

熙祖姓趙氏諱眺涿郡人建隆元年立四親廟追謚文獻皇帝 崔皇后謚文懿

順祖諱珽建隆元年追謚惠元皇帝 桑皇后謚惠明翼祖諱敬建隆元年追謚恭簡皇帝 劉皇后謚簡穆宣祖諱弘殷周龍捷左廂都指揮使始遷居洛陽建隆元年追謚武昭皇帝 杜皇后安喜人謚昭憲

太祖名匡胤宣祖長子謚啟運立極英武睿文神德聖功至明大孝皇帝 賀皇后開封人謚孝惠 王皇后新平人謚孝明 宋皇后洛陽人謚孝章

太宗名炅初名光義太祖弟謚至仁應道神功聖德文武大明廣孝皇帝 尹皇后鄴人謚淑德 符皇后宛丘人謚懿德 李皇后上黨人謚明德 李皇后真定人謚元德

真宗名恒太宗第三子謚應符稽古神功讓德文明武定章聖元孝皇帝 潘皇后大名人謚章懷 郭皇后太原人謚章穆 劉皇后華陽人謚章獻明肅 李宸妃杭州人謚章懿 楊淑妃邠人謚章惠 沈貴妃倫之孫謚昭靜

舊制皇后二謚惟劉后以稱制加為四字

初真宗謚號稱文翰林學士錢惟演曰真宗幸澶淵禦契丹盟而服之宜兼謚武下有司議乃加謚武定又初真宗后妃謚皆用莊字禮官呂公綽言孝字連太祖謚德字連太宗謚婦人從夫之謚真宗謚章聖而曰莊非禮也遂改莊為章以連真宗謚云

路史曰國朝四祖暨太祖太宗六后俱同廟謚獨章聖三后曰節曰惠曰莊呂公綽以為非謂古者婦人無謚漢晉以來后謚多因于帝今與謚典不合乞追正前失從之此非也三母遠矣魯惠繼室號聲子聲子謚也豈

惟後世哉

仁宗名禎真宗子謚體天法道極功全德神武聖文睿哲
明孝皇帝 曹皇后彬之孫謚慈聖光獻 張貴妃永
安人謚溫成 苗貴妃開封人謚昭節 周貴妃開封
人謚昭淑

初帝崩翰林學士王珪議曰謹按曾子問曰賤不誄貴幼不誄長禮也惟天子稱天以誄之春秋公羊說讀誄制謚于南郊若云受之于天然乾興元年夏既定真宗皇帝謚其秋始告天子圓丘史氏以為天子之謚當集

中書門下御史臺五品以上尚書省四品以上諸司三品以上于南郊告天議定然後連奏以聞近制惟詞臣撰議即降詔庶僚不得參聞頗違稱天之義臣今議上先帝尊謚欲望明詔有司詳稽舊典先之郊而後下臣之議庶先帝之茂德休烈有以信萬世之傳

英宗名曙初名宗實本濮安懿王允讓之子仁宗立以為後謚體乾應曆隆功盛德憲文肅武睿聖宣孝皇帝高皇后濠州蒙城人瓊之孫女謚宣仁聖烈時禮部侍郎范祖禹請易聖烈曰聖獻不從

神宗名頊英宗子謚紹天法古運德建功英文烈武欽仁聖孝皇帝 向皇后敏中孫女河內人謚欽聖憲肅朱皇后開封人謚欽成 陳皇后開封人謚欽慈 武賢妃謚惠穆

哲宗名煦神宗子謚體元繼道顯德定功欽文睿武齊聖昭孝皇帝 孟皇后洛州人謚昭慈聖獻孟后始謚昭慈獻烈翰林學士綦宗禮上疏請改昭慈聖獻從之劉皇后以御侍進不知何所人謚昭懷

徽宗名佶神宗第十一子謚體仁八道駿烈遜功聖文神

德憲慈顯孝皇帝 王皇后開封人始謚靜和紹興中

改恭顯 鄭皇后開封人崩于五國城紹興七年始聞

其喪追謚顯肅 王貴妃謚肅懿 韋賢妃開封人高

宗母後尊為太后謚顯仁 劉貴妃不詳氏族謚明達

妃薨帝甚悲惋特加四字謚曰明達懿文後贈為皇后

止謚明達 劉貴妃本酒保家女謚明節妃尤帝所寵

特謚明節懿文後用明達例贈為皇后止謚明節

欽宗名桓徽宗子謚恭文順德仁孝皇帝 朱皇后開封

人后北遷而崩慶元三年追上尊號謚仁懷祔于太廟

諸帝謚惟太祖初謚十六字太宗真宗皆止六字慶曆

七年加十六宗仁宗至哲宗亦止六字崇寧四年加十

六字徽宗謚乃其生時尊號因而謚之欽宗謚則止

六字無加也

高宗名構徽字第九子謚受命中興全功至德聖神武文

昭仁憲孝皇帝 邢皇后開封人崩于沙漠始謚懿節

淳熙末改謚憲節 吳皇后開封人謚憲聖慈烈

孝宗名春初名瑗太祖之裔高宗立為後受內禪即位謚

紹統同道冠德昭功哲文神武聖仁孝皇帝 郭皇

後開封人初謚恭懷尋改安穆。改成穆。夏皇后袁州人初謚恭安寧宗時改謚成恭。謝皇后丹陽人謚成肅。

高宗初謚聖神武文憲孝紹熙二年加十六字孝宗初謚哲文神武成孝慶元三年加十六字孝宗之謚孝從詹體仁議也。

光宗名惇孝宗第三子謚循道憲仁明功茂德溫文順武聖哲慈孝皇帝。李皇后安陽人謚慈懿。初帝謚憲仁聖哲慈孝嘉泰三年加十六字。

寧宗名擴光宗第二子謚法天備道純德茂功仁文哲武聖睿恭孝皇帝。韓皇后相州人謚恭淑。楊皇后或云會稽人謚恭聖仁烈。

初帝謚仁文哲武恭孝寶曆三年加十六字。理宗名昀初名貴誠太祖之裔沂靖惠王繼子史彌遠立為寧宗後謚建道修德大功復興烈文仁武明聖安孝皇帝。謝皇后天台人崩于北地無謚。

度宗名叡福王與芮之子理宗姪理宗無子立為後十年崩謚端文明武景孝皇帝。全皇后會稽人崩于北地。

續文獻通考
無謚

恭帝名焜度宗次子降于元封瀛國公益王立于閩遙上尊號曰孝恭懿皇帝聖故稱恭帝 后全氏為尼于元無謚

端宗名昞度宗長子母楊淑妃恭帝立封為吉王元俘恭帝以去陸秀夫蘇劉義等立帝于福州建元景炎二年而崩時年十歲羣臣上帝廟號曰端宗謚裕文昭武愍孝皇帝

帝昺度宗少子母俞修容始封信王又封衛王端宗崩羣

臣立帝于廣州建元祥興二年溺于海死國亡無謚

太子祐真宗子明道二年追謚悼獻

太子勇高宗子謚元懿

太子愔孝宗子謚莊文

太子玠藝祖十一世孫德昭之後寧宗立為太子謚景獻

宋宗室謚

涪陵縣公累贈太師尚書令魏王廷美太祖弟雍熙中謚

悼 衛州防禦使樂平郡公累贈護國軍節度兼侍中

追封高密郡王德恭廷美長子道中謚慈惠 保信

續文獻通考

軍節度觀察留後贈信女軍節 招討使追封信都郡
王德彝廷美第三子祥符中謚安簡 天平軍觀察留

後咸寧郡公贈宣德軍節度同中書門下平章事追封
廣陵郡王德雍廷美第四子謚康簡 追封王爵在明道
中賜謚在其前

侍中東平郡王贈太尉中書令申王德文廷美第五
子仁宗時謚恭裕 保康軍留後徐國公贈彰化軍節

度使安定郡王承簡廷美孫英宗時謚和懿 秦國公
贈樂平郡王承亮廷美孫熙寧中謚恭靖 定武軍節

度使贈開府儀同三司建國公克繼德恭孫元祐中謚

章靖 唐州防禦使贈崇信軍節度使尹國公叔克德
恭曾孫仁宗時謚孝齊 贈朝散郎直秘閣訓之廷美
五世孫謚忠果

檢校太尉贈中書令追封燕王德昭太祖子太平興國三
年謚懿 建寧軍節度使贈侍中追封同安郡王惟正

德昭子天聖中謚僖靖 感德軍節度使贈中書令追
^封南陽郡侯惟吉德昭子太中祥符三年謚康孝 同知

太宗正事贈鎮江軍節度使追封丹陽郡王守節德昭
孫謚僖穆 雄州防禦使贈保寧軍節度使楚國公從

信德昭孫謚安僖 保信軍留會稽郡王贈安化軍節度使開府儀同三司號王世清德昭曾孫元豐中謚恭安 奉國軍留後贈開府儀同三司追封信王世開德昭曾孫神宗時謚獻敏 知大宗正事贈太尉追封淄王世雄德昭曾孫崇寧四年謚恭憲 鎮南軍留後贈昭信軍節度使南康郡王世永德昭曾孫熙寧元年謚修孝 贈徽猷閣待制令歲德昭玄孫為金人所獲罵而死高宗時謚愍忠 少傅贈太師追封奉化郡王與懽德昭八世孫謚清敏 保平軍節度使贈少師追

封惠王令憲從信孫紹興中謚襄靖 贈資政殿大學士越國公希言令憲玄孫嘉定十七年謚忠獻

檢校太尉贈太師秦王德芳太祖子太平興國六年謚康惠 保康軍節度使贈同中書門下平章事崇王從式德芳孫神宗時謚安僖 楚州防禦使贈固國軍節度使楚國公世恩從式子哲宗時謚良僖 延州觀察使贈保靜軍節度使同中書門下平章事楚國公從古德芳孫仁宗時謚惠恪 左朝奉大夫加贈太師中書令秀王侁德芳六世孫高宗時謚僖 德芳生惟憲惟

憲生從郁從郁生世將世將生僧令僧生偁偁生孝
宗 崇信軍節度使追封崇王伯圭偁子高宗時謚憲
靖 檢校太保開府儀同三司充萬壽觀使崇王追封
澧王師揆伯圭子嘉定七年謚恭惠 保康軍節度使
開府儀同三司崇王贈太傅和王師禹伯圭子嘉定十
七年謚端肅

已上皆太祖之裔惟惟憲從郁世將令僧謚不可考
提舉洞霄宮贈少師與憲太祖十世孫自青田徙慈谿理
宗末謚忠憲

天策上將軍江陵牧贈河中鳳翔牧追封齊王元佐太宗
長子仁宗時謚恭憲 安國軍節度使贈太尉平陽郡
王允升元佐子景祐二年謚懿恭 太宗正開府儀同
三司華陰郡王贈太尉滕王宗旦允升子元豐中謚恭
孝 明州觀察使贈保寧軍節度使東陽郡王宗悌允
升子謚孝憲 資政殿學士大中大夫贈太師福王汝
愚元佐七世孫徙居餘干理宗時追謚忠定

開封尹兼侍中許王贈皇太子元僖太宗第三子淳化三
年謚恭孝乾興初改謚昭成 州防禦使燕國公贈

靖難軍節度使新平郡王宗保信嗣子本允升弟允成之子謚恭靖 忠州團練使仲恕宗保子謚純熙

東京留守贈太師尚書令高王元份太宗第四子真宗時謚恭靖 定武軍節度使贈太尉信安王允寧元份子

景祐中謚僖簡 隸慶軍節度使豫章王贈太尉韓王宗諤允寧子元豐中謚榮恭僕射王珪駁之謚榮孝

汝南郡王追封濮王允讓元份子嘉祐中謚安懿 彰德軍節度使同平章事兼侍中濮陽郡王贈太師中書

令定王宗樸允讓子神宗時謚僖穆 嗣濮王昭化軍

節度使同中書門下平章事贈太師中書令廣陵郡王宗誼允讓子謚莊孝 嗣濮王鎮南鎮度使檢校司徒

贈太師懷王宗暉允讓子紹聖中謚榮穆 武安軍節度使判大宗正事檢校司徒嗣濮王贈太師昌王宗晟

允讓子紹聖中謚端孝 檢校少傅泰寧軍節度使嗣濮王贈太傅郇王仲禦宗晟子宣和四年謚康孝 安

鎮節度使開府儀同三司檢校司徒嗣濮王贈太師襄王宗愈允讓子紹聖中謚恭憲 嗣濮王河陽三城節

度使檢校司徒贈太師宗王宗純允讓子紹聖三年謚

孝靖 檢校司徒武昌節度使同濟王贈太師惠王宗
楚允讓子紹聖四年謚僖節 清海軍節度使開府儀
同三使封乘城郡王檢校司徒嗣濮王贈太師欽王宗
祐允讓子元符元年謚穆恪 江寧保平泰寧節度使
開府儀同三司檢校司空嗣濮王判大宗正事檢校司
徒太保太尉贈太師景王宗漢允讓子大觀三年謚孝
簡 濟州防禦使檢校少保向德軍節度使嗣濮王追
封瓊王仲偁宗漢子紹興九年謚恭惠 常州防禦使
贈武康軍節度使洋國公仲鸞允讓孫謚良 彰德軍

節度使開府儀同三司嗣濮王贈少師簡王仲增允讓
政和五年謚穆孝 知大宗正事嗣濮王開府儀同三
司檢校少傅儀王仲湜允讓孫紹興中謚恭孝 崇慶
軍節度使嗣濮王追封思王士儉允讓孫曾孫紹興中謚
溫恭 知大宗正事贈少師和義郡王士晤允讓曾孫
淳熙中謚忠靖 贈保寧軍節度使士跋允讓曾孫紹
興末謚忠果
靖康末金人驅宗室北行士跋得間道遁去居邢州結
土豪將舉義金人覺而殺之事陞故加贈謚

檢校太尉兼中書令徐州大都督武寧等軍節度使贈太尉尚書令越王元傑太宗第五子咸平六年謚文惠
陳州觀察使陳國公仲郃元傑曾孫謚良僖

太尉兼尚書令贈太師尚書鎮王元偓太宗第六子天僖二年謚恭懿 太保鳳翔軍節度使贈太師尚書令相

王允弼元偓子熙寧二年謚孝定 韓國公贈南康郡王宗績允弼子謚良孝 彰德軍節度使濟陰郡王贈

太師循王宗景允弼子紹聖中謚思 太保贈太尉尚書令楚王元偁太宗第七子真宗時謚恭

惠

太師荆淮節度大使贈天策上將軍徐兗二州牧周王元儼太宗第八子慶曆中謚恭肅 同中書門下平章事

太保尚書令贈定王允良元儼子徽宗時謚榮易 良好酣寢以日為夜一宮之人皆晝臥夕興有司以其

反易晦明故謚榮易 淮南荆南節度使贈尚書令兼中書令揚荆冀三州牧吳

王顥英宗子謚榮

太尉贈太師尚書令荆徐二州牧益三顧英宗子謚端獻

唐王俊神宗第三子謚哀獻

豫王介神宗第七子謚悼惠

衛王侗神宗第八子謚冲惠

太師京兆真定尹荆揚太原興元牧贈侍中吳王佖神宗

第九子謚榮穆

荆南武寧節度使贈太師尚書令兼中書令冀州牧楚王

似神宗第十三子謚榮憲

越王茂哲宗子三月而天初謚冲獻崇寧元年改謚獻愍

永興成德軍節度使揚州牧贈淮南武寧軍節度使揚州

牧兼徐州牧魏王愷孝宗子謚惠獻 昭慶軍節度使

贈太保沂王柄愷子謚靖惠 贈少師保靜鎮潼軍節

度使濟王竑柄嗣子本宗室希瞿子為史彌遠所誣以

非命死德祐中追謚昭肅

華王怛寧宗子早薨謚冲穆

申王懌寧宗子早薨謚冲懿

順王忻寧宗子早薨謚冲懷

肅王怕寧宗子早薨謚冲昭

宋公主謚

秦國大長公主太祖姊初適米福德再適高懷德開寶中
謚恭穆政和四年改封大長帝姬謚恭懿

荆國大長公主太祖妹未笄而夭政和中改封大長帝姬
謚恭獻

魏國大長公主太祖女適王承衍大中祥符元年謚賢肅
魯國大長公主太祖女適石保吉大中祥符二年謚賢靖

陳國大長公主太祖女適魏咸信咸平二年謚貞惠後改
謚恭惠

魏國大長公主太宗女適吳元宸淳化元年謚英惠

揚國大長公主太宗女適柴宗慶明道二年謚和靖

雍國大長公主太宗女適王貽永景德元年謚懿順

衛國大長公主太宗女號報慈正覺大師不適人天聖二
年謚慈明

荆國大長公主太宗女適李遵勗皇祐三年謚獻穆

昇國大長公主真宗女號清虛靈照大師不適人慶曆七
年謚昭懷

周陳國大長公主仁宗女適李瑋熙寧三年適莊孝後改
謚莊孝明懿

秦魯國太長公主仁宗女適錢景臻紹興中謚賢穆加謚明懿

兗國大長公主仁宗女適曹詩元豐六年謚賢懿徽宗改賢懿恭穆

燕舒國太長公主仁宗女適郭獻卿政和二年謚純穆改懿穆

魏楚國大長公主英宗女適王師約元豐八年謚惠和

魏國大長公主英宗女適王詵元豐三年謚賢惠

潭國長公主神宗女適王遇大觀二年謚賢孝

秦國長公主哲宗女適潘正夫隆興二年謚康懿

徽宗政和三年改公主號為帝姬國號易以美名共三

十四帝姬早亡者十四人餘皆北遷獨恭福帝姬生纒

周晔得存今並不錄

周漢國公主理宗女適楊鎮謚端孝

主病時有九首烏大如箕集主家搗衣石上遂薨帝哭之甚哀

宋諸臣謚上

太子太師祁國公贈侍中王溥并州祁人太平興國中謚

文獻仁宗時議改文忠揚揆謂溥予周亡不能死安得忠乃改文康

周蕭國公宋魯國公范質大名人臨終戒其子旻勿請謚

故無謚質身事二姓其戒勿請謚者慮謚之弗善耳陳橋時何慮不及此也信死生之際難言哉

右僕射贈侍中魏仁溥汲人景德中以子咸信請謚宣懿

鎮陳州守中書令贈尚書令追封威武郡王石守信浚儀

人太平興國中謚武烈 鎮安軍節度使檢校太師贈

中書令石保吉守信子大中祥符中謚莊武

檢校侍衛步軍司事贈太師中書令杜審瓊安喜人昭憲

太后兄乾德中謚恭僖 右驍衛上將軍贈太傅杜審

肇審瓊弟開寶中謚溫肅 靜江軍節度使開府儀同

三司贈中書令杜審進審肇弟端拱中謚恭惠

河中尹護國軍節度使檢校太尉贈中書令王承衍洛陽

人咸平中謚恭肅

武勝軍節度使贈中書令追封渤海郡王高懷德真定人

太平興國中謚武穆

鳳翔節度西面緣邊都部署贈太傅岐王王景萊州人建

隆四年謚元靖

知鄭州贈太尉郭承祐沙陀部人仁宗時謚密

知霸州贈侍中邢國公宋偃洛陽人端拱中謚莊惠

武勝軍節度觀察留後侍御親軍馬軍副都指揮使贈彰

武軍節度使王凱太原人仁宗時謚莊恪

周滁州軍事判官宋太師魏國公贈尚書令韓王趙普幽

州薊人太宗時謚忠獻

同中書門下平章事武成軍節度使判濟州贈中書令柴

宗慶大名人仁宗時謚榮密

尚書右僕射檢校太師兼侍中景靈宮使贈太師中書令

王貽永溥孫至和中謚康靖

檢校太傅領山南東道贈中書令吳元宸太原人尚太宗

女駙都尉大中祥符四年謚忠惠

判右金吾衛仗兼六軍司事贈太尉李崇矩上黨人端拱

中謚元靖 振國軍節度使知許州贈中書令李遵勗

崇矩孫仁宗時謚和文 寧遠軍節度使知澶州贈感

德軍節度使李端懿遵勗子神宗時謚良定 蔡州觀

察使贈昭德軍節度使李端懿遵勗子元祐中謚恭敏

開府儀同三司贈中書令李繼隆明德太后兄上黨人真

宗時謚忠武 昭德軍節度使贈中書令李昭亮繼隆
子謚良僖

樞密使贈中書令周王曹彬靈壽人仁宗后祖父咸平中
謚武惠 河陽節度使同平章事贈中書令曹璨彬長

子天僖中謚武懿 彰武節度使贈侍中曹瑋彬第三

子天僖中謚武穆 吳王曹玘彬第五子仁宗后父謚

安僖 馬軍副都指揮使贈安化軍節度使兼侍中曹

琮彬第七子仁宗時謚忠恪 榮州刺史曹傳玘子仁

宗后兄謚恭懷

安德軍節度使醴泉觀使贈開府儀同三司曹誘侂子仁

宗皇后姪大觀中謚忠定

檢校太師都部署判并州同平章事贈中書令韓國公潘

美大名人雍熙中謚武惠

左驍衛上將軍張美清河人淳化初謚恭惠

北面行營都部署兼鎮定高陽關西路排軍使贈侍中譙

王郭守文太原人仁宗后父端拱中謚忠武

右千牛衛上將軍贈太尉曹翰大名人咸平元年謚武毅

寧武軍節度同平章事岐國公贈中書令陳洪進仙遊人

雍熙中謚忠順

尚書右僕射贈侍中石熙載洛陽人太平興國九年謚元懿少師贈太子太傅石中立熙載子景祐中謚文定司空贈太尉中書令薛居正開封浚儀人太平興國中謚文惠

左僕射贈侍中沈倫太康人雍熙四年謚恭惠

倫子繼宗上言伏見故相薛居正謚文惠王溥謚文獻臣父嘗歷集賢修史之職伏請改謚曰文太常趙昂等駁曰沈倫逮事兩朝有祇畏謹守之美有矜恤周濟之

心按謚法不懈于位與夫謹事奉上執政堅固執禮御寶率事以信接下不驕能遠耻辱賢而不伐尊賢貴讓愛民長悌不懈為德既過能改數者皆謂之恭慈民好與與夫柔質慈民愛民好柔寬裕不苛和質受諫數者皆謂之惠由漢以來皆為美謚如唐溫彥博之出納明允止謚曰恭寶易直之公舉無避乃謚曰恭惠而沈倫徒能謹飭以自保全以恭配惠厥美居多昔張說之謚文正揚綰之謚文簡人不謂然蓋行義有所未克雖蒙特賜誠非至公若夫大臣子孫許其為父陳情則曲臺

考功之司為虛器而彰善癉惡之美微矣薛居正王溥
皆奮跡辭場歷典誥命以文為謚允合國章沈倫謚伏
望如故從之

右僕射贈司空宋琪幽州薊人至道二年謚惠安

特進司空贈司徒李昉深州饒陽人至道二年謚文正

尚書右丞贈禮部尚書李昭述昉孫仁宗時謚恪

太子太師贈中書令許國公呂蒙正河南壽州人真宗時

謚文穆 太尉贈太師中書令許國公呂夷簡壽州人

蒙正姪仁宗時謚文靖 司空同平章軍國事贈太師

申國公呂公著夷簡子元祐中謚正獻 觀文殿學士

西太乙宮使贈太尉呂公弼夷簡子神宗時謚惠穆

光祿少卿直秘閣知邢州呂希哲公著子謚榮

司空贈司徒張齊賢曹州人徙洛陽真宗時謚文定

禮部尚書贈左僕射郭贄開封人謚文懿

判昭文館大學士贈左僕射溫仲舒河南人真宗時謚恭

肅

禮部尚書贈右僕射王化基真定人真宗時謚惠獻 太

子少傅贈太子太保王舉正化基子仁宗時謚安簡

戶部侍郎贈吏部尚書趙昌言汾州人真宗時謚景肅

知樞密院事贈侍中周瑩景城人真宗時謚忠穆一云謚元惠

特進檢校太師贈太尉侍中王繼英祥符人真宗時謚恭

懿

知天雄軍贈中書令王顯開封人真宗時謚忠肅

知河陽軍贈太尉王昭遠阜城人咸平中謚惠和

彰德軍留後知貝州兼部署贈侍中馬知節幽州薊人真

宗時謚正惠

建雄軍節度使知青州贈尚書令魯國公王超趙州人真

宗時謚武康 樞密使冀國公贈太尉中書令王德用

趙子仁宗時謚武恭

吏部尚書贈左僕射宋白大名人初謚文憲真宗言其素

無檢飭改謚文安

殿前都指揮使贈侍中許均開封人真宗時謚榮毅

太子太保贈司空呂端幽州人真宗時謚正惠

吏部尚書平章事贈太傅中書令畢士安代州人真宗時

謚文簡

太子太傅贈中書令萊國公寇準下邳人仁宗時追謚忠

愍

門下侍郎尚書右僕射平章事贈太尉中書令李沆肥鄉人景德中謚文靖

司空太尉兼侍中贈太師尚書令魏國公王旦莘縣人真宗時謚文正 工部尚書王素旦子熙寧中謚懿敏

左僕射昭文館大學士贈太尉中書令燕王向敏中開封人真宗時謚文簡 密州觀察使贈昭德節度使向傳

範敏中子神宗時謚惠節 定國軍留後贈侍中後贈吳王向經敏中孫神宗后父神宗時謚康懿 太子少

保贈檢校少師向宗回經子徽宗時謚榮縱

尚書左僕射兼中書侍郎同平章事司空冀國公贈太師中書令王欽若新喻人仁宗時謚文穆

武寧軍節度使鄭國公贈太師中書令夏竦德安人仁宗時謚文莊

始竦謚文正知太常禮院司馬光上奏曰臣聞大戴禮曰謚者行之跡也行出于己名生于人所以勸善沮惡不可私也謹按令文諸謚王公及執事官三品以上皆錄行狀中省議定奏聞所以重名實示至公也陛下聖

德涵容。天如地哀憫舊臣恩厚。其已知竦平生不協衆望。不欲委之有司。槩以公議。且將掩護其短。推見所長。故定謚于中。而後宣示於外。臣等謂猶宜擇中流之謚。使與行實粗相應者。亦非群臣所敢議也。今乃謚以文正。二者謚之至美。無以復加。雖以周公之才。不可兼取。況如竦者。豈所充當。所謂名與實爽。謚與行違。傳之永久。何以為法。

光又上奏略曰。臣等切跡謚法本意。所謂道德博聞曰文者。非聞見博雅之謂也。蓋以所行所學。不離于道德也。靖共其位。曰正者。非柔懦苟媮之謂也。蓋詩云。靖共爾位。正直是與也。今竦奢侈無度。聚斂無厭。內則不能制義于閨門外。則不能立效于邊鄙。言不副行。貌不應心。語其道德。則貪淫矣。語其正直。則回邪矣。此皆天下所共聞。非臣等所敢誣加也。陛下乃以文正謚之。臣等竊愚不達大體。不知將以何謚待天下正人君子哉。且陛下所以念竦如此厚者。以竦嘗為東宮臣也。內者東宮之臣。死而得謚者。非一陛下未嘗親有所定。至于竦獨不然。豈非知竦所為不合衆心。即陛下必以竦為正。

直無疑則何不委之有司付之公議然則陛下掩護其短適所以彰之也陛下念竦不已則莫若厚撫其家至於謚者先王所以勸善沮惡非供息澤之具也凡國家所以馭臣下者不過禍福榮辱而已為善者生享其福死受其榮為不善者生遇其禍死蒙其辱天下雖欲不治安何可得也如有不令之臣生則盜其祿死則盜其榮名善者不知所勸惡者不知所懼臧否顛倒不可復振此其為害可勝道哉且謚法所以信于後世者為其無私也今以一臣故敗之使蒙美謚者後世皆疑謚法

將安所用哉臣等所以冒犯天威與人父子為怨者誠惜國家勸沮大法不可因循虧廢也伏惟陛下哀憐依前所奏改賜竦謚天下幸甚從之乃改謚文莊

太子少傅贈左僕射孫奭博平人仁宗時謚宣 兩浙轉運使孫瑜奭子謚忠

右僕射贈侍中陳堯叟閬中人天禧初謚文忠 太子太師贈司空兼侍中陳堯佐堯叟弟仁宗時謚文惠 武信軍節度使知天雄軍贈太尉陳堯咨堯佐弟仁宗時謚康肅

司空贈太尉兼侍中莒國公宋庠雍丘人英宗時謚元獻
庠初名郊諧者以郊交也宋交為不祥仁宗令改名
翰林學士贈尚書宋祁庠弟謚景文

祁卒遺令勿請謚其子從之久而無謚學士承旨張方
平言祁法應得謚何待于請乃謚曰景文祁之令勿請
謚者避榮名也然當時又有自知所行不善必無美謚
而勿請者集賢院王皞上奏曰謚者行之表也善行有
善謚惡行有惡謚蓋聞謚知行以為勸戒舊典太常博
士掌王公以下擬謚皆跡其功德為之褒貶近者臣僚

薨卒雖官該擬謚其家自知父祖別無善政慮定謚之
際斥其謬戾皆不請謚竊惟謚法自周公以來垂為不
刊之典蓋以彰善癉惡激濁揚清使其身沒之後是非
昭然用為勸懲今若任其匿避則為惡者肆志而不悛
乞自今後不必候其請謚兼令有司舉行如此則隱慝
無行之人有所勸沮若須行狀申乞方行議謚考諸方
冊別無明證惟衛公叔文子卒其子戍請謚臣謂春秋
之時禮壞樂崩公叔之卒有司不能明舉舊典故至將
葬始請謚于君且周制太史掌小喪賜謚小史掌卿大

夫之喪賜謚讀誄以此知有司之職自當舉行明矣詔下有司詳定如皞請焉

司徒岐國公贈太師兼侍中陳執中南昌人恕子仁宗時謚恭

時禮官韓維曰執中以公卿之子遭世承平夤緣一言遂至貴顯天子以後宮之喪問所以葬祭之禮執中位上相不能總率群司考正儀典知治喪鳳儀非嬪御之禮追冊位號于宮闈有嫌建廟用樂踰祖宗舊制皆白而行之此不忠之大者閨門之內禮分不明夫人正室

疏薄自絀庶妾賤人淫逸不制其治家無足言者宰相不能率禮秉道正身齊家方杜門深居謝絕賓客曰我無私也我不黨也豈不陋哉謚法寵祿光大曰榮不勤成名曰靈執中出入將相以一品就第寵祿光大矣得位行政賢士大夫無述焉不勤成名矣請謚曰榮靈不聽改謚曰榮襄詔謚曰恭維復兩上疏爭之終不聽武勝軍節度使檢校太尉兼侍中判河南府贈太師中書令魏國公馮拯河陽人仁宗時謚文懿

左僕射觀文殿大學士判尚書都省魏國公賈昌朝獲鹿

人英宗時謚文元

太子太傅贈司空兼侍中梁適東平人熙寧中謚莊肅
禮部侍郎贈兵部尚書魯宗道亳州譙人真宗時謚肅簡
初太常議宗道謚剛簡後改肅簡議者以為肅不若剛
得其實云

資政殿學士判尚書都省贈兵部尚書薛奎絳州人仁宗
時謚簡肅

同中書門下平章事贈太保中書令王曙河南人仁宗時
謚文康

戶部侍郎知潁州贈兵部尚書蔡齊膠水人仁宗時謚文
忠

樞密副使贈刑部尚書宋湜長安人真宗時謚忠定
左屯衛上將軍檢校太尉贈侍中王嗣宗汾州人真宗時
謚景莊

吏部尚書孫冲平棘人謚康簡

叅知政事贈吏部尚書趙安仁洛陽人真宗時謚文定

兵部侍郎贈右僕射陳彭年南城人真宗時謚文僖

禮部尚書贈尚書右僕射任中正濟陰人仁宗時謚康懿

太子少師贈太子太傅任中師中正弟仁宗時謚安惠

樞密副使贈禮部尚書周起鄒平人仁宗時謚安惠
鎮安軍節度使贈中書令陳琳博野人仁宗時謚文簡
禮部尚書贈太子太師范雍河南人仁宗時謚忠獻
太子少傅贈太子太保趙稹宣城人仁宗時謚僖質
太子少保贈太子太傅任布河南人仁宗時謚恭惠
觀文殿學士兼翰林院侍讀學士尚書左丞同郡牧制置
使判尚書都省贈右僕射高若訥榆次人仁宗時謚文

莊

翰林學士楊億浦城人真宗時謚文

建雄軍節度使贈太師尚書令兼中書令康王高繼勳燕
人宣仁太后祖神宗時追謚穆武

涇原路副都總管兼招討經略安撫副使贈鎮戎軍節度
使兼太尉葛懷敏真定人仁宗時謚忠隱

武寧軍節度兼侍中贈太傅曹利用趙州寧晉人仁宗時
謚襄悼

太子太師贈太師兼侍中鄧國公張耆開封人仁宗時謚

榮僖

太子太保贈太尉楊崇勳薊州人仁宗時謚恭密尋改謚恭毅

高陽關都總管贈太尉夏守贇并州榆次人仁宗時謚忠僖 陝西副都總管兼緣邊招討副使贈昭信軍節度

使夏隨守贇子仁宗時謚莊恪

知封州曹覲修理子與妻妹同死儂知高之難仁宗時謚忠肅

太尉贈節度使王正倫擊儂知高被害仁宗時謚忠顯

同中書門下平章事判陳州贈中書令狄青西河人仁宗

時謚武襄

資政殿大學士尚書左丞知河南府贈吏部尚書吳育建

安人仁宗時謚正肅 觀文殿大學士西太乙宮使贈

司空兼侍中吳充育弟神宗朝謚正憲

兵部尚書叅知政事贈司徒兼侍中宋綬趙州平棘人仁

宗時謚宣獻

太子少傅贈太子太傅李若谷徐州豐縣人仁宗時謚康

靖

樞密副使贈兵部尚書王疇濟陰人英宗時謚忠簡
同知樞密院事贈戶部尚書王巖趙州臨城人仁宗時謚

忠穆

戶部侍郎知諫院事贈右僕射李懿新喻人仁宗時謚憲
成

安武軍節度使贈太尉程戡陽翟人英宗時謚康穆

太子少傅贈太子太保盛度餘杭人仁宗時謚文肅

尚書左丞贈吏部尚書丁度祥符人仁宗時謚文簡

尚書左丞贈吏部尚書張觀絳縣人仁宗時謚文孝

奉國軍節度使贈太尉鄭戩吳縣人仁宗時謚文肅

叅知政事明鎬安丘人仁宗時謚文烈

叅知政事贈太子太保孫忞眉山人英宗時謚文懿

工部尚書知陳州贈右僕射張詠鄆城人真宗時謚忠定

永興軍節度使兼中書令贈太師尚書令劉通并州人真

宗后父天禧中謚武懿

恩州兵馬都總管贈保寧軍節度使榮國公劉從德真宗

后兄真宗時謚康懷 真定府路馬步軍副都總管贈

昭慶軍節度使劉從廣真宗后弟仁宗時謚良惠 邕

州觀察使步軍副都指揮使贈從信軍節度使劉永年
從德子英宗時謚莊恪

侍講學士王洙虞城人仁宗時謚文

御史吳中復言洙官不應得謚乃革罷之初夏竦卒賜
謚文獻洙當草制封還其目曰臣下不當與禧祖同謚
因言前有司謚王溥為文獻章德象為文憲字雖異而
音同皆當改於是太常更謚竦文莊而溥得象皆易謚
吏部侍郎贈尚書左僕射王堯臣洙兄子仁宗時謚
文安元豐三年子同老追訟父請立英宗功加贈太師

中書令改謚文忠

鄜延路副總管劉平開封人與元昊戰死于興州仁宗時
謚莊武

殿前副都指揮使楊燧開封人神宗時謚莊敏

殿前都指揮使贈侍中許懷德開封人仁宗時謚恭毅

戶部侍郎贈戶部尚書馮元南海人仁宗時謚章靖

戶部侍郎充三司使贈禮部尚書楊察合肥人仁宗時謚

宣懿

御史中丞贈禮部尚書李及新鄭人仁宗時謚恭惠

太子少保贈尚書右僕射馬亮合肥人仁宗時謚忠肅
亮女為呂夷簡妻夷簡居相位謚之人不以為是

太子少傅贈太子太保晁迥澶州人仁宗時謚文元 資
政殿學士給事中贈工部尚書晁宗慤迥子仁宗時謚
文莊

禮部尚書集賢院學士贈右僕射薛映成都人仁宗時謚
文恭

太子太傅贈司空侍中李迪鄆城人仁宗時謚文定
右僕射平章事集賢大學士贈中書令沂國公王曾益都

人仁宗時謚文正

工部尚書同中書門下平章事會靈觀使集賢殿大學士
贈太傅中書令張知白滄州清池人仁宗時謚文節
禮官謝絳初議文節御史王嘉言知白守道徇公當官
不撓可謂正矣請謚文正王曾曰文節美謚矣遂不改
太子太師贈司徒兼侍中祁國公杜衍山陰人仁宗時謚
正獻

兵部尚書贈司空兼侍中晏殊臨川人仁宗時謚元獻
太子太保贈司空侍中穎國公龐籍武城人仁宗時謚莊

敏

彰信軍節度使同平章事判河陽贈中書令王隨河南人
仁宗時謚章惠後改謚文惠

鎮安軍節度使同平章事郇國公判河南府守司空贈太
尉侍中章得象浦城人初謚文憲皇祐中改謚文簡

太保贈太師中書令鄧國公張士遜陰城人仁宗時謚文
懿

太子少傅田况信都人仁宗時謚宣簡

司徒兼侍中永興軍節度使贈尚書令魏國公韓琦安陽

人神宗時謚忠獻

太保贈太師中書令魯國公曾公亮晉江人元豐元年謚
宣靖

鎮江軍節度使同平章事判揚州贈太保中書令秀國公
陳升之建陽人神宗時謚成肅

金紫光祿大夫尚書左僕射兼門下侍郎贈太師岐國公
王珪華陽人哲宗時謚文恭

蔡京秉政奪贈謚政和中復之

僕射判汝州司徒贈太尉韓國公富弼河南人神宗時謚

文忠

太子少保太師潞國公文彥博汾州人初以元祐黨籍無贈謚後徽宗特命出籍追復太師謚忠烈

叅知政事贈兵部尚書楚國公范仲淹蘇州人仁宗時謚

文正 觀文殿大學士中太乙宮使贈開府儀同三司

范純仁仲淹子徽宗時謚忠宣 龍圖閣學士范純禮

仲淹子謚恭獻

太子少傅贈太子太保韓億靈壽人仁宗時謚忠獻 司

空檢校太尉贈太傅康國公韓絳億子元祐三年謚獻

肅 太子太保贈司空崇國公韓慎億子紹聖四年謚

莊敏

禮部侍郎贈禮部尚書包拯合肥人仁宗時謚孝肅

資政殿學士知青州贈兵部尚書吳奎北海濰州人仁宗

時謚文肅

叅知政事太子少保贈太子少師趙卞西安人元豐七年

謚清獻

叅知政事贈禮部尚書唐介江陵人神宗時謚質肅

資政殿學士贈吏部尚書邵亢丹陽人神宗時謚安簡

太子少師贈司徒馮京江夏人哲宗時謚文簡
侍中錢惟演倂子臨安人慶曆中謚文僖

太常張瓌謂謚法敏而好學曰文貪而敗官曰墨請謚
文墨其家訴于朝詔章得象等覆議以惟演無貪黷狀
而晚節率職自新有惶懼自憐之意取謚法追悔前過
曰思宜改謚思慶曆間二太后始升祔真宗廟室子曖
復訴前議乃改謚曰文僖

翰林院學士知永興軍贈禮部尚書錢明逸惟演從子
熙寧四年謚修懿 邠王錢惟瀾倂子淳化中謚安僖

保靜軍留後贈平江節度使錢惟濟倂子仁宗時謚
宣惠 龍圖閣學士正奉大夫贈金紫光祿大夫錢卽
倂孫徙家宜興徽宗時謚忠定

太子少師加太子太保贈司空張方平宋城人元祐中謚
文定

方平遺令勿請謚尚書右丞蘓轍為請乃謚文定

彰信軍節度使同中書門下平章事景靈宮使兼侍中贈
太師中書令隴西郡王李用和杭州人章懿皇太后弟
仁宗時謚恭僖 振武軍節度使知鄂州贈太尉李璋

用和子仁宗時謚良惠

提舉在京諸司庫務贈武安軍節度使兼太尉揚景宗郕縣人章惠皇太后從父弟仁宗時謚章定

石州推官贈中書令清河郡王張堯封永安人温成皇后父仁宗時謚景思

彰德軍節度使檢校太師贈開府儀同三司王拱辰咸平人哲宗初謚懿恪

太子太師贈司徒兼侍中張昇韓城人熙寧十年謚康節太子少師贈太子太師趙槩虞城人神宗時謚康靖

太子少師贈太子太傅胡宿晉陵人治平中謚文恭 吏部尚書胡宗愈宿之姪謚修簡

太子少師贈太子太師歐陽修廬陵人熙寧五年謚文忠李清臣以修變士習為古文又勸早立皇子兩預定策謀故也

龍圖閣直學士言肇建昌南豐人紹興時追謚文昭

端明殿學士贈吏部侍郎蔡襄仙遊人乾道時以曾孫洸請追謚忠惠

工部尚書贈刑部尚書余靖曲江人仁宗時謚襄靖

禮部尚書張存冀州人仁宗時謚恭安

樞密副使孫沔會稽人謚威敏

安德軍節度使贈開府儀同三司高誘蒙城人宣仁后姪
徽宗時謚忠定

集慶留後贈感德軍節度使新興郡王高公紀蒙城人宣
仁后姪哲宗時謚懷僖 感德軍節度使開府儀同三
司少保贈少傅高士則公紀子高宗時謚忠節

樞密直學士豐稷鄆縣人建炎中追謚清敏

文彥博嘗評稷為人似趙忞及賜謚皆以清得名

嘉州刺史贈崇信軍節度使任澤英宗母仙遊夫人弟神

宗時謚恭僖

工部尚書知陳州劉沆永新人謚文安

右屯衛上將軍贈太尉高化真定人仁宗時謚恭壯

馬軍副都指揮使贈忠武軍節度使周美靈州人仁宗時
謚忠毅

續文獻通考卷之一百四十五

皇明進士雲間王圻纂輯

謚法考 宋臣下至西夏偽謚

左僕射觀文殿大學士特進司空贈太傅舒王王安石臨川人紹聖中謚文

資政殿大學士知揚州贈右銀青光祿大夫張璪全椒人哲宗時謚簡翼

資政殿學士判南京留司御史臺贈工部尚書蔡挺宋城人元豐二年謚敏肅

續文獻通考
初挺兄抗卒贈禮部侍郎又欲賜謚吳奎曰抗以舊恩自雜學士贈官已踰常制安得復謚遂止

樞密副使知洪州贈金紫光祿大夫王韶德安人元豐四年謚襄敏 武勝軍節度觀察留後提舉醴泉觀贈寧遠軍節度使王厚韶子元符中謚莊敏

同知樞密院薛向萬全人元祐時追謚恭敏

資政殿學士中太乙宮使贈右銀青光祿大夫章盜浦城人徽宗時謚章簡

少保莘國公贈太傅鄧洵汝陰人宣和中謚文簡

觀文殿學士贈吏部尚書王陶萬年人元豐三年謚文恪
知邕州贈奉國將軍節度使蘓緘晉江人神宗時謚忠勇
皇朝賜謚忠壯

緘禦交趾無援一門死者三十六人神宗嗟嘆賜謚

龍圖閣學士知揚州贈左銀光祿大夫滕元發東陽人
哲宗時謚章敏

工部尚書李兌臨潁人神宗時謚莊

給事中贈光祿大夫吏部尚書徐禧分寧人相視永樂城
為夏兵所殺神宗時謚忠愍

檢校少師太尉贈少保种師道洛陽人建炎中謚忠憲
河北制置使贈少師种師中師道弟靖康中謚莊愍
尚書左僕射兼門下侍郎贈太師温國公馬光夏縣人
元祐中謚文正 兵部尚書司馬朴光從孫靖康初以
兵部侍郎使金握節而死謚忠潔
起居舍人黃廷堅分寧人謚文節

太常寺謚議略曰夫子曰有德者必有言蓋行者文也
德者實也德稱乎文則文之著乃實之形也無其實而
有其文抑末矣黃公以文名世世人知其磊磊軒天地

者此也不知其真履實踐卓乎不可企及非吾夫子所
謂有德者必有言乎紫陽朱夫子稱公為孝友周文忠
公記分寧祠非徒曰瓌璋之文妙絕當世而又曰孝友
之行追配古人則公之平生凡性分所當盡者真無毫
髮遺憾矣其為元祐史官也荆公勿令上知之語陸右
丞隱而不書公爭辯甚苦辭氣吐厲至目為佞史紹聖
間羣小用事追仇元祐史官詔拘畿隸以報所聞衆悚
惕失據公隨問隨答弗惕弗隱而謫黔徙戍委頓萬狀
畧無幾微見顏面其為承天塔記也部使者阿順風旨

萬千交煽遂有宜州之行人不堪其憂而公處之裕如也公之所學如此守道守官如此公之處生死禍福如此信為有德有言之士其可與操觚翰咏聲音警異色者例之乎謹按謚法曰道德博文曰文能固所守曰節公之文名愈久愈著如皎日之行天終古不滅非道德博文不及此公之氣節愈挫愈勁如精金之在冶百鍊磨不非能固所守不及此請以文節謚公宜無歎

銀青光祿大夫蜀國公贈金紫光祿大夫范鎮華陽人元祐中謚忠文 資政殿大學士知河南府贈銀青光祿

大夫范百祿鎮兄子謚文簡

朝奉郎提舉玉局觀贈太師蘓軾眉山人紹興時追謚文忠 大中大夫端明殿學士蘇轍軾弟淳熙時追謚文定

觀文殿學士贈太師宣國公呂大防藍田人紹興時追謚正愍

正議大夫贈太師蔡確晉江人哲宗時謚忠懷

大中大夫贈觀文殿大學士曾布南豐人大觀中謚文肅 觀文殿大學士大中大夫贈少師劉摯東光人紹興時追

謚忠肅

尚書左丞梁燾須城人謚忠肅

右光祿大夫贈開府儀同三司孫固管城人元祐中謚温

靖

同知樞密院事贈銀青光祿大夫趙瞻蓋屋人元祐中謚

懿簡

中書侍郎贈銀青光祿大夫傅堯俞濟源人元祐中謚獻

簡

資政殿學士兼侍讀贈銀青光祿大夫孫永長社人元祐

中謚康簡

太子少保贈太子少師元絳錢塘人政和初謚章簡

觀文殿學士奉國軍節度使佑神觀使贈開府儀同三司
許將閩縣人政和中謚文定

尚書左丞贈開府儀同三司鄧潤甫新城人哲宗時謚安
惠

知舒州資政殿學士林希福州人蔡京之黨徽宗時謚文
節

寶文閣待制贈寶文閣直學士鄒浩常州人紹興時追謚

寶文閣通考

忠

左正言贈直徽猷閣張廷堅廣安人紹興時追謚節愷

右正言贈諫議大夫陳瓘南劍州人謚忠肅

高宗謂輔臣曰陳瓘昔為諫官甚有讜議近覽所著尊堯集深明君臣之大分合于易天尊地卑及春秋尊王之法王安石號通經術而其言乃謂道隆德俊者天子當北面而問焉其背經悖理甚矣宜特賜謚以表之謚

曰忠肅

中書舍人贈直龍圖閣諫議大夫任伯雨眉山人淳熙時

謚忠敏

知衢州事贈龍圖閣直學士通議大夫彭汝方鄱陽人死於方臘謚忠毅

寶謨閣待制知單州贈銀青光祿大夫孫礬江都人靖康中謚通靖

權叅知政事程克俊浮梁人謚章靖

尚書左丞贈太傅蔡卞仙遊人政和中謚文正

殿前都指揮使贈侍中郝質介休人元豐中謚武莊

建武軍節度使殿前都指揮使贈侍中賈逵藁城人元豐

續文獻通考

中謚武恪

刑部侍郎金紫光祿大夫竇舜卿安陽人熙寧中謚康敏

武康軍節度使贈開府儀同三司劉昌祚真定人哲宗時

謚毅肅

武信軍節度使贈開府儀同三司燕達開封人哲宗時謚

毅敏

檢校司空奉寧軍節度使贈開府儀同三司姚雄五原人

哲宗時謚武憲

步軍副都指揮使贈奉國軍節度使劉舜卿開封人哲宗

時謚毅敏

威武軍留後贈安武軍節度使宋守約開封人神宗時謚

勤毅

殿前副都指揮使贈開府儀同三司苗綬潞州人元祐中

謚莊敏

瀘州軍節度使贈檢校少保劉仲武成紀人徽宗時謚威

肅 江淮浙西制置使贈開府儀同三司劉錡仲武第

九子孝宗時謚武穆

馬步軍副總管贈感德軍節度使張蘊開封人徽宗時謚

榮毅

定州真定大名副都總管贈昭化軍節度使楊應詢耶人
章惠皇后族孫徽宗時謚康理

觀文殿大學士佑神觀使贈司徒趙挺之密州人徽宗時
謚清憲

崇信軍節度使副累贈太保張商英新津人紹興時追謚
文忠

靜安軍節度使康國公贈太保劉正夫西安人徽宗時謚
文憲

太傅贈太師追封清源郡王何執中龍泉人徽宗時謚正
獻

太保贈太師華源郡王鄭居中開封人徽宗時謚文正
知樞密院事贈開府儀同三司張康國揚州人徽宗時謚
文簡

右丞相贈光祿大夫朱諤華亭人大觀元年謚忠靖

資政殿學士知東平府贈開府儀同三司侯蒙高密人徽
宗時謚文穆

尚書左丞贈龍圖閣直學士李邦彥懷州人宣和三年謚

宣簡

殿中侍御史贈右諫議龔夫瀛州人紹興中追謚節肅

吏部侍郎閻丘訢麗水人徽宗時謚清簡

龍圖閣直學士李浦浙人徽宗時謚宣簡

少傅贈開府儀同三司孫傳海州人建炎中謚忠定

中書侍郎贈開府儀同三司陳過庭山陰人建炎中謚忠

顯一謚忠肅

簽書樞密院事贈開府儀同三司張叔夜開封人耆孫建

炎中謚忠文

同知樞密院事贈觀文殿大學士聶昌臨州人建炎中使

金遇害謚忠愍

江東轉運使薛良顯瑞安人崇寧中進士江寧軍校周德

作亂良顯率眾與戰死之謚愍忠

顯謨閣直學士通議大夫贈光祿大夫鄭僅彭城人徽宗

時謚修敏

禮部尚書提舉上清寶籙宮贈特進姚佑長興人徽宗時

謚文僖

右正言贈中大夫陳禾鄞人徽宗時謚文介

寶謨閣待制贈光祿大夫李伯宗河陽人徽宗時謚榮

保靜軍節度副使知陳州宋喬年庠之孫政和三年謚忠

文正議大夫殿中監贈金紫光祿大夫延康殿學士

宋昇喬年子蔡京黨徽宗時謚恭敏

叅知政事楊椿眉山人謚文安

黔卒魏漢津蜀人蔡京黨薦鑄九鼎建寶成殿卒後贈以

侯爵謚嘉晟

延康殿學士提舉醴泉觀兼侍讀監修國史贈資政殿學

士強淵明錢塘人蔡京黨徽宗時謚文憲

刑部侍郎贈端明殿學士程振樂平人從車駕至金營為

金人所殺端平初以曾孫東請謚剛愍

吏部員外郎贈徽猷閣待制傅察濟源人宣和七年使金

不屈死乾道中謚忠肅

京北路經畧制置使贈資政殿學士唐重眉州人為金將

所攻城陷而死高宗時謚忠愍

守汾州贈武康殿學士張克戩者曾孫紹興中為金人所

攻力屈而死謚忠雄

知麟州贈武經郎楊震代州人為契丹亡將所攻闔門俱

死建炎二年子存中貴請於朝追謚恭毅

知真定府贈昭化軍節度使李邈清江人使金不屈而死
紹興中追謚忠壯

榮州團練使贈明州觀察使程迪開封人靖康中與金人
力戰而死謚恭愍

吏部尚書贈觀文殿學士李若水曲州人高宗時謚忠愍
京城四壁守禦使贈資政殿學士劉韜建陽人高宗時謚
忠顯 徽猷閣待制提舉太平觀劉子羽韜子謚忠定
觀文殿學士光祿大夫劉珙子羽子淳熙中謚忠肅

劉氏居建陽者領謚忠簡純謚忠烈韜謚忠顯子羽
謚忠定而珙謚忠肅故世號五忠劉氏

禮部侍郎贈端明殿學士譚世勛長沙人高宗時不受張
邦昌偽命謚端潔

知晉寧軍贈彰化軍節度使徐徽言西安人高宗時為金
將娄宿所執不屈而死謚忠壯

淮寧太守贈通議大夫向子韶開封人神宗后再從姪高
宗時金兵陷淮寧不屈而死謚忠壯

建康通判贈徽猷閣待制楊邦乂吉水人金師入建康邦

又憤罵不屈剖心而死謚忠襄

直龍圖閣知鄧州贈太中大夫劉汲丹稜人高宗時死于

金寇謚忠介

直秘閣知同州贈樞密直學士鄭驤玉山人高宗時金寇

入赴井死謚威愍

提點河東刑獄贈中大夫資政殿學士郭永元城人高宗

時為金師所囚不屈死謚勇節

寧州觀察使兼同虢州制置使贈彰武軍節度使李彥仙

寧州人謚忠威

彥仙投河死金人屠其家張浚承制贈以官使建廟商

州號忠烈宣撫使周聿請即陝州立廟號義烈後以高

陝與金徙其廟閬州乾道八年謚忠威

徐州觀察使泗州漣水軍鎮撫使兼知楚州贈奉國節度

使開府儀同三司趙立徐州人高宗時被金人飛砲中

首卒謚忠烈

龍圖閣待制知徐州贈資政殿學士王復建炎三年金師

破徐州闔門百口皆被殺謚壯節

延康殿學士知青州贈光祿大夫曾孝序晉江人因將官

賣文試通考

三

王定為亂與其子同遇害謚威愍

知鎮江府贈徽猷閣直學士胡唐老宿曾孫建炎中諭建
康潰卒戚方等為所害謚定愍

資政殿學士京城留守贈觀文殿學士通議大夫宗澤義
烏人謚忠簡

觀文殿大學士提舉洞霄宮李綱邵武人高宗時謚忠定
清遠軍節度副使贈太傅豐國公趙鼎聞喜人孝宗時謚
忠簡

少師醴泉觀使贈太師魏國公張浚廣漢人孝宗時謚忠

獻

尚書右僕射兼知樞密院事朱勝非蔡州人謚忠靖

江東安撫制置大使贈太師秦國公呂頤浩濟州人謚忠
穆

右丞相少師汪伯彥祁門人建炎中謚忠定

資政殿大學士李光上虞人孝宗時謚莊簡

資政殿大學士提舉洞霄宮許景衡瑞安人高宗時謚忠
簡

同知樞密院事張懋樂壽人高宗時謚忠穆

四川宣撫使鄭剛中金華人初忤秦檜謫封州檜死高宗復其官謚忠愍

太師鄆王韓世忠延安人孝宗時謚忠武

少保鄂王岳飛相州湯陰人淳熙中謚武穆

左光祿大夫魏良臣宣城人高宗時謚敏肅

御史中丞知樞密院事湯鵬舉金壇人孝宗時謚敏肅

國子祭酒知湖州葛仲勝丹陽人紹興中謚文康 少保

贈少師葛邲仲勝孫寧宗時謚文定

湖北經畧安撫使王庶慶陽人孝宗時追謚敏節

泗州宣撫使贈少師涪王吳玠永洛人紹興中謚武安

太師贈申王秦檜江寧人紹興中謚忠獻

開禧二年追奪王爵改謚謬醜嘉定元年史彌遠奏復

王爵贈謚

尚書右僕射同中書門下平章事金紫光祿大夫万侯高

陽武人紹興中謚忠靖

太尉贈開府儀同三司李顯忠青澗人淳熙時謚忠襄

顯忠與父永奇俱陷于金後歸本朝為金人追及家人

二百口皆遇害

續文獻通考
檢校少保同安郡王楊存中代州人乾道中謚武恭

存中祖父及母皆死于難存中既貴請于朝祖宗閱謚

忠介父震謚忠毅賜廟曰顯忠日報忠

金州樞密院都統制檢校少保贈檢校少師郭浩隴西人

紹興十五年謚恭毅

忠州刺史贈保寧軍節度使魏勝宿遷人隆興中與金人
戰極力禦之後兵不至墜馬死謚忠壯

檢校少保淮東宣撫使贈太尉張子蓋成紀人俊從子隆
興中謚恭壯

太尉開府儀同三司楊政臨涇人謚襄毅

知廬州總帥事贈靜保軍節度使張宗顏延安人紹興九
年謚壯敏

太保三京招撫處置使贈太師鄜王劉光世保寧人紹興
中謚武僖

簽書樞密院事兼都統制贈開府儀同三司少保王淵熙
州人乾道為苗傅劉正彥所害謚襄愍

宣州觀察使曲端鎮戎人紹興中為張浚所殺浚罷追復
端官爵謚壯愍

端明殿學士簽書樞密院事贈通議大夫王倫旦從玄孫
淳熙中追謚愍節

資政殿大學士開府儀同三司宇文虛中成都人初受金
金人偽官為國師既以謀歸宋被殺淳熙中追謚肅愍
資政殿學士贈少師宇文紹節虛中族姪嘉定六年

謚忠惠

資政殿大學士贈左光祿大夫王綸建康人紹興三十一
年謚章敏

知樞密院事贈左銀青光祿大夫沈與承德清人紹興中

謚忠敏

宣奉大夫贈少師王師心金華人謚莊敏

橫貴廉三州都巡檢使贈太尉毛炳富川人以交寇死於
難乾道中謚忠順武烈

荆湖南路兵馬副都監贈容川觀察使姚興相州人開禧
中與金亮戰而死追謚忠毅

知樞密院事葉義問壽昌人乾道六年謚忠簡

寶文閣直學士胡安國崇安人紹興中謚文定

徽猷閣學士洪皓番陽人紹興中謚忠宣 觀文學殿士

浙東安撫使奉祠洪适皓子淳熙中謚文惠 資政殿

學士提舉洞霄宮洪遵皓次子淳熙中謚文安 端明

殿學士贈光祿大夫洪邁皓季子淳熙中謚文敏

權禮部侍郎兼權刑部侍郎贈太師崇國公張九成錢塘

人理宗時追謚文忠

資政殿學士胡銓廬陵人乾道中謚忠簡

殿學士提舉杭州洞霄宮李邴任城人孝宗時謚文

敏

資政殿學士知紹興府奉祠張守晉陵人紹興中謚文靖

寶謨閣直學士知湖州提舉江州太平觀常同臨邛人紹

興中謚忠毅

慶遠軍節度使提舉洞霄宮贈少師嘉國公邗煥開封人

高宗邢后父紹興中謚恭簡

太師太寧郡王追封衛王吳蓋開封人憲聖后弟乾道中

謚莊簡

中書舍人兼侍講權直學士院提舉太平觀呂本中公著

曾孫紹興中謚文靖

資政殿學士知紹興府韓肖胄琦魯孫紹興中謚元穆

端明殿學士江南東路安撫大使知建康府兼行宮留守
章詛浦城人紹興中謚忠恪

中奉大夫寶文閣學士李植臨淮人乾道中謚忠襄

資政殿學士知徽州提舉江州太平興國宮何鑄餘杭人

謚通惠嘉定初改謚恭敏

嶽陽軍節度使贈太尉韓公裔開封人乾道中謚恭榮

簽書樞密院事兼權叅政知廣州樓炤永嘉人紹興中謚

襄靖

吏部尚書提舉亳州明道宮洪擬丹陽人紹興中謚文獻

資政殿大學士提舉萬壽觀兼侍讀張燾德興人隆興中
謚忠定

廣西轉運判官黃灝都昌人謚文簡

端明殿學士贈正議大夫黃中邵武人淳熙中謚簡肅

秘書少監權禮部侍郎魯幾贛州人乾道中謚文清

少師贈太保魏國公陳俊卿莆田人孝宗時謚正獻

少保武安軍節度使四川宣撫使贈太傅雍國公虞允文

仁壽人淳熙中謚忠肅

左僕射同中書門下三品兼樞密使贈太師魯國公陳康

伯弋陽人乾道中謚文恭慶元初改謚文正

知光化軍游九言建陽人謚文清

右丞相贈少師儀國公梁克家晉江人淳熙中謚文靖
福建安撫使贈金紫光祿大夫汪澈浮梁人隆興中謚莊
敏

觀文殿學士贈特進葉顥仙遊人乾道中謚正簡

觀文殿學士贈銀青光祿大夫錢端禮臨安人淳熙中謚

忠肅

資政殿大學士贈特進魏杞壽春人淳熙中謚文節

資政殿大學士贈正奉大夫太傅周葵宜興人淳熙中謚

惠簡

資政殿學士提舉臨安府洞霄宮蕭燧臨江人紹興中謚

正肅

資政殿學士龔茂良莆田人淳熙中謚莊敏

同知樞密院事黃祖舜福清人孝宗時謚莊定

同知樞密院事贈資政殿大學士光祿大夫王剛中樂平
人孝宗時恭簡

觀文殿學士贈少保李彥穎德清人紹興中謚忠文

端明殿學士知平江府汪應辰全山人淳熙中謚文定

龍圖閣學士王十朋樂清人紹熙三年謚忠文

敷文閣直學士提舉太平宮陳良翰臨海人光宗時謚獻

肅

龍圖閣學士提舉興國宮胡沂餘姚人淳熙中謚獻肅

御史方大琮莆田人謚忠惠

吏部侍郎江西安撫使汪大猷鄞縣人謚莊靖

文華閣直學士程叔達黟縣人謚莊節

敷文閣學士贈太師溫國公李燾靖州丹稜人乾道中謚

文簡 禮部尚書資政殿學士李真燾子謚文肅 端

明殿學士知瑞寧府贈資政殿學士李璧燾第三子嘉

定十五年謚文懿

禮部尚書正奉大夫贈金紫光祿大夫九袞無錫人嘉定

五年謚文簡

龍圖閣直學士知泉州顏思魯龍溪人嘉泰中謚定肅

資政殿學士知婺州張綱丹陽人初謚文定孝宗時汪應

辰馭之孫釜再請乃得賜謚章簡

龍圖閣學士正議大夫贈銀青光祿大夫張大經南城人

慶元中謚簡肅

資政殿學士贈光祿大夫劉章龍游人淳熙中謚靖文
少傅贈太師益國公周必大廬陵人寧宗時謚文忠

必大嘗建三忠堂于鄉謂歐陽文忠修楊忠襄邦乂胡
忠簡銓皆廬陵人也而必大卒獲文忠之謚蓋符其素
志云

河北副總管贈太尉楚王李道安陽人光宗后父隆興中
謚忠毅

少師觀文殿學士贈太師魏國公留正永春人寶慶三

年謚忠宣

同知樞密院事贈資政殿學士胡晉臣蜀州人光宗時謚
文靖

寶謨閣待制贈直學士彭龜年清江人謚忠肅

時章穎等請易名寧宗曰龜年忠鯁可嘉宜應得謚使
人人如此必能納君無過之地

太僕寺卿陳槩鄞人禾之曾孫寧宗時謚文定

太常寺丞呂祖儉金華人夷簡五世孫寧宗時謚忠

龍圖閣學士葉時仁和人寧宗時謚文康

吏部尚書彭方都昌人謚文定

國子祭酒吏部尚書袁甫燮子謚正肅

慶遠軍節度使太尉韓同卿琦五世孫寧宗后父寧宗時
謚恭靖

秦武軍節度使贈太尉鄭興裔開封人寧宗時謚忠肅
禮部尚書兼侍讀贈資政殿大學士黃裳劍浦人嘉定中

謚忠文

端明殿學士簽書樞密院事贈太保羅點崇仁人寧宗時
謚文恭

端明殿學士簽書樞密院事贈資政殿學士正奉大夫林
大中永康人嘉定元年謚正惠

觀文殿學士提舉洞霄宮贈少傅陳騄臨海人嘉泰三年
謚文簡

兵部侍郎知明州林栗福清人謚簡肅
端明殿學士鄭丙長樂人謚簡肅

左丞相贈太保京鏜南昌人寧宗時謚莊定

鏜初謚文穆其子請避家諱謚文忠御史段千里言楊
億謚文欲加一忠字竟不與乃改謚莊定

知樞密院事沈夏德清人謚簡肅

龍圖閣學士兼江淮制置使楊輔遂寧人謚莊惠

少傅追封衛魯王謝深甫台州人理宗后祖父理宗時追謚惠正

資政殿大學士提舉萬壽觀贈少師樓鑰鄞縣人嘉定六年謚宣獻

端明殿學士知平江府贈開府儀同三司豫章郡公李大性四會人理宗時謚文惠

端明殿學士簽書樞密院事兼權叅知政事提舉洞霄宮

少師任希夷邵武人理宗時謚宣獻

觀文殿大學士提舉洞霄宮贈少師王淮金華人孝宗時謚文定

寧武軍節度使開府儀同三司衛國公贈少師趙雄資州人嘉定二年謚文定

寶謨閣待制知隆興府徐誼平陽人寧宗時謚文忠

敷文閣學士四川安撫制置使兼知成都府吳獵醴陵人理宗時謚文定

端明殿學士兼侍讀贈銀青光祿大夫薛叔似河東人嘉

定十四年始謚文節駁者謂功名富貴未免溺意改謚
恭翼

寶謨閣學士權四川制置使劉甲龍游人理宗時謚清惠
簽判建康府事陳亮永康人光宗時謚文毅

寶謨閣待置陳傳良瑞安人寧宗時謚文節

寶謨閣學士通議大夫贈光祿大夫葉適永嘉人寧宗時
謚忠定

宣奉大夫龍圖閣學士贈特進端明殿學士戴溪永嘉人
寧宗時謚文端

知果州李道傳隆州人寧宗時謚文節

端明殿學士贈奉正大夫湯漢安仁人度宗時謚文清

權兵部尚書兼太子詹事蔡幼學安仁人寧宗時謚文懿
沿江制置使兼知鄂州吳愈德安人謚文肅 刑部尚書

吳革愈姪謚清惠

顯謨閣直學士提舉西京嵩山崇福宮華文閣學士劉光

祖簡州人嘉定十五年謚文節

少保贈太傅郇國公余端禮龍游人寧宗時謚忠肅

同知樞密院事贈太師丘密江陰人寧宗時謚忠定

寶謨閣學士提舉嵩山崇福宮倪思歸安人嘉定十三年

謚文節

工部侍郎贈少師曾漸南城人謚文莊

吏部侍郎聶子述南城人謚文定

秘閣修撰贈少師吳柔勝溧水人理宗時謚正肅

利路提點刑獄中奉大夫游仲鴻南充人紹定五年謚忠

右丞相兼樞密使南充公游似仲鴻子淳祐中謚清

憲

直龍圖閣李祥無錫人嘉定元年謚肅簡

知慶元府兼沿海制置使贈中大夫寶章閣待制王介金

華人端平三年以郡守趙汝談請謚忠簡

龍圖閣待制贈少師辛棄疾歷城人德祐初以謝枋得請

謚忠敏

右文殿修撰柴中行餘干人謚憲肅

武信軍節度使贈太師畢再遇兗州人嘉定中謚忠毅

保寧軍節度使少傅贈少師安丙廣安人理宗時謚忠定

立廟沔州額為英惠

朝奉郎四川宣撫使司叅議官贈寶謨閣直學士大中

夫楊巨源益昌人理宗時謚忠愍巨源有誅吳曦功安丙殺之

權知大安軍贈朝奉大夫直寶謨閣楊震仲成都人震仲

不從吳曦叛而死理宗時謚節毅

中軍統制知西和州贈檢校少保李好義下邳人好義誅

吳曦有功理宗時謚忠壯

工部侍郎家大酉眉山人謚文節大酉不從吳曦之招理宗石用之

端明殿學士正議大夫贈太師趙方衡山人寧宗時謚忠

肅少師武安軍節度使贈太傅冀國公趙葵方子咸

淳二年謚忠靖

吏部侍郎知太平州孫逢吉龍泉人寧宗時謚獻簡

禮部尚書兼侍讀贈光祿大夫章穎臨江人嘉定中謚文

肅

大理評事胡夢昱吉水人理宗時謚剛簡

校書郎葉賀孫龍泉人理宗時謚文修

端明殿學士陳塏崇德人咸淳中謚清毅

直秘閣趙蕃鄭州人景定中謚文節

寶謨閣學士贈光祿大夫楊萬里吉水人寧宗時謚文節

萬里見邊釁驟開知必誤國憤烈不食而死

太常少卿王萬浦江人理宗時忠惠

兵部尚書黃伯固將樂人理宗時謚忠簡

寧遠節度使都總管贈太尉宋景陽貴州人謚忠成

寶謨閣待制徐邦憲義烏人理宗時謚文肅

光祿大夫觀文殿大學士贈少師李杲勉富陽人理宗時

謚文清

觀文殿大學士提舉洞霄宮南海郡公崔與之增城人理

宗時謚清獻

簽書樞密院事陳卓咸寧人一曰鄞人度宗時孫定孫請

于朝謚清敏

侍御史劉漢弼上虞人理宗時謚忠

右丞相贈少傅杜範黃巖人理宗時謚清獻

權工部侍郎兼國子祭酒張虓慈溪人理宗時謚文清

寶章閣待制吳昌裔中江人理宗時謚忠肅

兵部尚書曹彥約都昌人嘉熙初謚文簡

叅知政事贈太師衛涇華亭人理宗時謚文節

刑部侍郎贈朝請大夫蔣重珍無錫人理宗時謚忠文

檢校少師武寧軍節度使贈太師吉國公孟珙棗陽人理

宗時謚忠襄

司農少卿陳咸升卿次子理宗時謚勤節

時牟子才上奏曰周制太史掌小喪賜謚小史掌卿大夫之喪賜謚讀誄夫曰賜曰讀出于有司之舉行明矣乃若公叔文子卒其子成請謚者蓋春秋特周禮盡廢有司不知舉行舊典禮經故不免于成之請然非成周初意也夫定于太常覆于考功集議于尚書省我國家禮亦宜之初何待于子若孫陳請耶竊見近年有官品人品俱不應謚者紛然祈請至轉委要官以必遂其志

遂使國家節惠之典幾為無用贅疣之物其何以彰善瘴惡激濁揚清哉臣愚欲望陛下推行周制詔有司自今官品合該議謚及一節一行有關於國家法應節惠者有司並舉行之不必候本家陳請使為惡者無可遷避以伸國家懲惡之公而使庸碌無聞之人知所懲勸不敢妄有所陳以紊公朝褒賢之典此非小補也

太師會稽郡王史浩鄞人寧宗時謚文惠嘉定十四年追封越王改謚忠定 禮部侍郎封奉化郡侯史彌大浩長子理宗時謚獻文 太師左丞相兼樞密使保寧侯

昭信軍節度使充醴泉觀使贈中書令衛王史彌遠浩
次子理宗時謚忠獻 資政殿大學士光祿大夫史彌堅
浩次子理宗時謚忠宣 觀文殿大學士贈少師安德
軍節度使魯國公史嵩之彌遠姪理宗時莊肅
嵩之初謚忠簡以家諱改莊肅德祐初右正言徐直方
劾嵩之不宜賜謚乃奪罷

知信州贈特進陶崇全州人理宗時謚文肅

吏部侍郎鄧珣一名瑄建昌人謚清惠

太傅保定軍節度使齊國公贈尚書令魏郡王鄭清之鄴

縣人理宗時謚忠定

觀文殿大學士判福州福建路安撫大使贈太子少師許

國公董槐定遠人理宗時謚文清

龍圖閣學士提舉鴻慶宮贈開府儀同三司傅伯成察之

孫端平三年謚忠簡

叅知政事觀文殿大學士贈太師信國公葛洪東陽人理

宗時謚端憲

叅知政事封臨海郡侯應儼昌國人嘉定中進士卒謚文

敏

徽猷閣待制曹叔遠瑞安人紹熙初進士卒謚文肅寶

章閣待制曹幽叔遠族子嘉泰初進士卒謚文恭

大理少卿范應鈴豐城人開禧間進士卒謚清敏

端明殿學士豐城伯徐經孫豐城人寶慶初進士卒謚文

惠

金紫光祿大夫馬光祖金華人理宗時謚莊敏

少師保寧軍節度使醴泉觀使贈太師魯國公喬行簡東

陽人淳祐中謚文惠

左丞相兼樞密使湖南安撫大使特進贈太師益國公江

萬里都昌人咸淳九年死節謚文忠

左丞相兼樞密使贈少師東陽郡公范鍾蘭溪人嘉熙中

謚文肅

觀文殿大學士贈太師宣繒鄞人理宗時謚忠清

觀文殿學士贈太師奉化郡公余天錫昌國人理宗時謚

忠惠

簽書樞密院事資政殿學士知慶元府兼沿海制置使提

舉洞霄宮贈少保鄒應龍泰寧人淳祐中謚文靖

吏部侍郎李昉英番禺人理宗時謚忠簡

知樞密院事福建安撫大使兼知福州提舉佑神觀贈少師陳韓侯官人景定二年謚忠肅

煥章閣學士徐應龍浦城人理宗時謚文肅。資政殿學士提舉洞霄宮徐榮叟應龍子謚文清。知樞密院兼叅知政事提舉佑神觀贈少師晉寧郡公徐清叟應龍次子景定中謚忠簡

端明殿學士提舉洞霄宮蔡抗建陽人元定孫理宗時謚文肅抗初謚文簡以犯祖諱更謚

簽書樞密院事贈資政殿學士少保南城郡侯包恢建昌

南城人度宗時謚文肅

權叅知政事贈開府儀同三司盱江侯陳宗禮南豐人度宗時謚文定

秘書郎兼考功郎贈直龍圖閣魯三聘新淦人嘉熙時謚忠節

寶謨閣待制徐僑義烏人理宗時謚文清

禮部侍郎徐鹿卿豐城人理宗時謚清正

端明殿學士贈正議大夫洪天錫晉江人理宗時謚文毅
工部侍郎徐元杰上饒人理宗時謚忠愍

志論嵩之可不起復一日忽暴疾卒時以為中毒

顯文閣待制提舉玉隆萬壽宮贈中奉大夫趙景緯於潛人度宗時謚文安

時太常博士陳埴元直不阿獨為袁燮議謚餘皆閣筆
嘆曰幽厲雖百世不改謚有美惡豈諛墓比哉會朱端
常子乞謚埴曰端常居臺諫則逐善類為藩牧則務刻
剝宜得惡謚以戒後來乃謚曰榮愿議出宰相而下皆
肅然改容 又衛涇繳裴良士乞父謚奏曰臣聞傳曰
惟名與器不可以與人禮曰謚以尊名君子耻名之浮

于行蓋士大夫竭忠盡節于國家者生則以爵祿以榮
其身沒則有褒謚以傳于世所以示激勸之公非以徇
人情之私也裴希稷者臣不知其何如人徒聞以貲起
家甲于京邑中興記錄無所登載據其子良士陳述不
過泛舉制詞數語便謂曾有戰功又稱嘗蒙高宗皇帝
召到詢及邊事敷陳韜略一無實跡之可考不惟法不
該謚且不知所以易其名者又輒以姚興為比興死節
著在國史已經贈官立廟昨因趙善堅論奏再與賜謚
希稷可謂擬非其倫兼朝廷比年以來褒表忠義如岳

飛劉光世等追封王爵中外有志功名之士聞風興起
誠以義理人心所同固易于感發也今若以裴希稷比
姚興例得謚典駕驥同槽薰猶共器允前所以褒表之
意人反得而輕視之矣事體所繫顧不重歟伏望聖慈
將裴希稷賜謚指揮特與寢罷庶叶公論在臣守官之
義得以少安不勝幸甚

叙州守贈武節大夫眉州防禦使楊大全元兵入蜀戰死
謚愍忠

通判海州侯畱樂清人理宗時與賊李松壽力戰而死謚

節毅

成都府制置使丁黼石埭人嘉熙三年死節謚恭愍

知臨江軍贈寶章閣待制陳元桂撫州人理宗時謚正節
開慶初元兵奄至元桂力疾登城門督戰元兵至桂叱
罵遂遇害

侍衛馬軍司統制贈靜江軍節度使牛富霍丘人度宗時
樊城陷死之謚忠烈

知饒州贈文華閣待制唐震會稽人度宗時不屈于元兵
而死謚忠介

權知沔州贈龍圖閣學士曹友聞栗亭人理宗時死于蜀
鷄冠隘謚節

直秘閣知沔利二州提點刑獄贈正議大夫龍圖閣直學
士高稼蒲江人理宗時死節謚忠

知西和州贈文華閣待制陳寅咸子理宗時謚襄節

元兵至寅力不能支遂與妻同死賓客從死者二十八
人

守潭州兼湖南安撫使贈端明殿大學士李芾衡州人德
祐時謚忠節

池州通判兼文華殿待制趙昴發昌州人咸淳中謚文節
衡陽知縣贈敷文閣學士陳繼周寧都人德祐時欲與文
天祥興復力屈而死謚忠節

金壇知縣贈朝散大夫直秘閣李成大建昌人迪之從子
德祐時不屈于元兵而死謚忠節

西夏偽謚

李繼遷德明時追上尊號曰應運法天神智仁聖至道廣
德孝光皇帝廟號武宗元昊時追謚神武廟號太祖
配野利氏謚順懿孝皇后

德明繼遷子追謚光聖皇帝廟號太宗 配衛慕氏謚惠

慈敦愛皇后

元昊德明子謚武烈皇帝廟號景宗 配沒藏氏謚宣穆

惠文皇后 野力氏謚憲成皇后

諒祚元昊子謚昭英皇帝廟號毅宗 配梁氏謚恭肅章

憲皇后

秉常諒祚子謚康靖皇帝廟號惠宗 配梁氏謚昭簡文

穆皇后

乾順秉常子謚聖文皇帝廟號崇宗 配曹氏

仁孝乾順子謚聖德皇帝廟號仁宗 配羅氏謚章憲欽

慈皇后

純祐仁孝子謚昭簡皇帝廟號桓宗

安全乾順孫越王仁友之子廢純祐自立謚敬穆皇帝廟

號襄宗

遵頊宗室子謚英文皇帝廟號神宗

德旺遵頊孫無謚廟號獻宗

續文獻通考卷之一百四十五終

續文獻通考卷之一百四十六

皇明進士雲間王圻纂輯

謚法考 遼君臣謚至劉豫偽謚

遼帝后謚

肅祖姓耶律氏謚昭烈皇帝 后蕭氏謚昭烈皇后

懿祖謚莊敬皇帝 后蕭氏謚莊敬皇后

二祖二后俱乾統三年追謚

玄祖謚簡獻皇帝 后蕭氏謚簡獻皇后

德祖謚宣簡皇帝 后蕭氏謚宣簡皇后

二祖二后俱重熙二十一年追謚

太祖名億字阿保機德祖長子謚大聖大明神烈天皇帝

后述律氏初謚貞烈重熙二十一年改謚淳欽

太宗名德光太祖次子謚孝武惠文皇帝 后蕭氏初謚

彰德重熙二十一年改謚靖安

世宗名阮讓國皇帝長子謚孝和莊獻皇帝 后蕭氏初

謚孝烈重熙二十一年改謚懷節

穆宗名璟太宗長子謚孝安敬正皇帝爲近侍所弑 后

蕭氏無謚

景宗名賢世宗第二子謚孝成康靖皇帝 后蕭氏初謚

仁聖宣獻皇后重熙二十一年改謚睿智

聖宗名隆緒景宗長子謚文武大孝宣皇帝 后蕭氏謚

仁德 又蕭氏謚欽哀

興宗名宗真聖宗子謚仁聖孝章皇帝 后蕭氏謚仁慈

道宗名隆基興宗長子謚仁聖大孝文皇帝 后蕭氏謚

宣懿

天祚帝諱延禧道宗之孫國亡并二后二妃俱無謚

道宗太子濬謚昭懷乾統初追謚大孝順聖皇帝廟號順

宗 妃蕭氏謚貞順皇后

按天祚時有興宗第四孫耶律淳自立僞謚孝章皇帝
廟號宣宗有耶律大石太祖之孫亦自立世號爲西遼
尊號天祐皇帝追謚祖父爲嗣元皇帝祖母爲宣義皇
后冊元妃蕭氏爲昭德皇后沒後廟號德宗子夷列嗣
母后攝國政號感天皇后沒後號仁宗子幼以妹普速
完權國號承天太后普速完傳仁宗次子直魯古爲乃
蠻王屈出律所擒而遼絕

遼宗室謚

義宗名倍太祖長子以國讓弟德光太宗謚文武元皇帝

世宗統和中更謚文獻皇帝重熙二十一年增謚文獻

欽義皇帝 二后俱不知何氏一謚端順一謚柔貞

李胡太宗第三子統和中追謚欽順皇帝重熙二十一年

更謚章肅皇帝 后謚和敬

齊王贈王太叔罽撒葛太宗子謚欽順

追冊皇太子吼阿不世宗第三子謚莊聖

齊王隆祐景宗子謚仁孝重熙間改謚孝靖

陳王阿璉初興宗子謚欽正

遼諸臣謚

大丞相贈尚書晉王耶律隆運幽州人重熙中謚文忠

本姓韓名德讓匡嗣子統和中賜名德昌又賜姓耶律
名隆運

北府宰相兼侍中蕭常哥國舅族天慶中謚欽肅

右丞相加尚父贈中書令杜防涿州人清寧中謚元肅

北院樞密使贈大丞相晉國王蕭孝穆淳欽皇后弟重熙

中謚貞 南京留守晉王蕭孝先孝穆弟重熙中謚忠

肅

西南面招討使贈侍中撻不野孟父房後道宗時謚貞憫

中京留守遼西郡王耶律良著帳郎君後咸雍中謚忠成

上京留守太師遼西郡王姚景行興中人咸雍中謚文憲

北院樞密使太師推誠贊治功臣混同郡王耶律幹特剌

許國王寅底石六世孫大安中謚敬肅

中京留守陳國公實景肅中京人大安中謚肅憲

同知樞密使事兼南府宰相門下侍郎平章事贈中書令

趙徽南京人咸雍中謚文憲

南院樞密使韓國公耶律仲禧析津人咸雍中謚欽惠

知樞密院事經邦佐運功臣贈尚父漆水郡王耶律儼
仲禧子天慶中謚忠懿

南院樞密使司徒兼侍中馬人望醫巫閭人天祚時謚文
獻

北府宰相贈司空楊遵勗范陽人大安中謚康懿

遼之臣賢而有功者亦多但賜謚者止此故據史錄之
其耶律姓者大抵宗室疏屬蕭姓者大抵外戚疎屬也

金帝后謚

始祖姓完顏氏諱普函天會十三年追謚景元皇統五年

增謚懿獻景元皇帝 后不知何氏謚明懿

德祖名烏魯始祖子天會時追謚德皇統時增謚淵默玄

德皇帝 后不知何氏謚思

安祖名跋海德祖子天會時追謚安皇統時增謚和靖慶

安皇帝 后不知何氏謚節

獻祖名綏可安帝子天會時追謚定昭皇統時增謚純烈

定昭皇帝 后不知何氏謚恭靖

昭祖名石魯獻祖子天會時追謚成襄皇統時增謚武惠

成襄皇帝 后徒單氏謚威順

景祖名烏古昭祖子天會時追謚惠桓皇帝統時增謚英烈

惠桓皇帝 后唐括氏謚昭肅

世祖名劼里鉢景祖子謚神武聖肅皇帝 后挈懶氏謚

翼簡

肅祖名頗次淑景祖第四子謚明睿穆憲皇帝 后不知

何氏謚宣靜

穆宗名盈哥景祖第五子謚章順孝平皇帝 后不知何

氏謚貞惠

康宗名烏雅束世祖長子謚獻敏恭簡皇帝 后不知何

氏謚敬僖

太祖名旻世祖第二子謚應乾興運昭德定功睿神章孝

仁明大聖武元皇帝 后唐括氏謚聖穆 裴滿氏謚

光懿 紇石烈氏謚欽憲 烏古論氏謚宣獻

太宗名晟世祖第四子謚體元應運世德昭功哲惠仁聖

文烈皇帝 后唐括氏謚欽仁

熙宗名亶太祖孫謚弘基纘武莊靖孝成皇帝 后裴滿

氏謚悼平

初海陵廢帝為東昏世宗即位追復帝號謚武靈廟號

閔宗後改熙宗

海陵名亮遼王宗幹第二子後廢為庶人謚煬 后徒單

氏無謚

世宗名烏祿太祖孫睿宗子謚光天興運文德武功聖明

仁孝皇帝 后烏林答氏謚昭德章宗時改明德 妃

李氏衛紹王時追謚光獻皇后

章宗名璟顯宗子謚憲天光運仁文義武神聖英孝皇帝

后蒲察氏謚欽懷

衛王名永濟世宗第七子謚紹 后徒單氏無謚

宣宗名珣顯宗長子謚繼天興統述道勤仁英武聖孝皇

帝 后王氏謚明惠

哀宗名守緒又名寧申速宣宗第三子自縊于蔡州城末

帝謚為哀

熙宗太子濟安謚英悼

寧宗太子守忠謚莊獻

金宗室尊帝后謚

徽宗名宗峻太祖第二子熙宗之父熙宗即位追謚景宣

后蒲察氏謚惠昭

睿宗名宗堯太祖第八子世宗之父謚立德顯仁啓聖廣

運文武簡肅皇帝 后蒲察氏謚欽慈 李氏謚貞懿

獻宗名允恭世宗第二子章宗之父初謚宣孝太子章宗

即位追謚體道弘仁英文睿德光孝皇帝 后徒單氏

謚孝懿 劉氏謚昭聖

海陵父宗幹太祖長子遼王也海陵即位追謚憲古弘

道文昭武烈章孝睿明皇帝廟號德宗後海陵貶黜爲

庶人猶稱明肅皇帝大定二十二年皇太子允恭言宗

幹不宜稱帝乃復降遼王謚忠烈其母大氏謚慈憲皇

后後亦降

金宗室謚

同中書門下平章事贈開府儀同三司婆盧火安帝五世

孫天眷元年謚剛毅

行臺左丞相兼左副元帥金源郡王杲即撒離喝安帝六

世孫大定三年謚莊襄

贈開府儀同三司金源郡王習不失昭祖孫大定三年謚

忠毅

左丞相兼都元帥宗誥昭祖四世孫昂子章宗時追謚通

敏

司空領左丞相南陽郡王襄昭祖五世孫泰和二年謚武

昭

贈開府儀同三司隋國公阿離合懋景祖第八子大定中

謚剛憲

恭議國政鄭國公謾都訶景祖第九子明昌五年謚定濟

贈金源郡王撒改景祖曾孫大定中謚忠毅

贈金紫光祿大夫謾都本景祖孫麻頗子天眷中謚英毅

太保尚書令領三省事贈秦王宗翰景祖曾孫即粘沒喝

大定中謚桓忠

裨將追封儀同三司魏王幹帶世祖第三子天會十五年

謚定肅

都元帥遼王杲世祖第三子即斜也大定十五年謚智烈

元帥左都監魯王闍母世祖第七子大定二年謚莊襄

右丞相贈開府儀同三司太尉尚書令廣平郡王承暉世

祖曾孫貞祐三年謚忠肅

太師楚王謀良虎康宗長子又名宗雅大定二年追謚威

敏

楚王宗傑太宗子謚孝悼

贈太師宋王宗望太祖子即幹離不大定三年謚桓肅

太師領三省事都元帥瀋王宗弼太祖子即兀朮大定十

五年謚忠烈

錫王永忠世宗子以罪死泰和中追謚厲

越王永功世宗子興定中謚忠簡

豫王永成世宗子泰和四年謚忠獻

鄭王永蹈世宗子以罪死泰和中謚刺

鄆王琮顯宗子明昌中謚莊靖後改為莊

瀛王瓌顯宗子明昌中謚文敬

瀛王琦顯宗子泰和中謚敦懿

溫王珣顯宗子明昌三年謚悼敏

皇太孫鐙宣宗孫謚冲懷

贈特進閣哥宗室子不知世次大定十五年謚莊翼

金諸臣謚

詳穩贈開府儀同三司代國公歡魯完顏部人明昌五年

謚忠敏 左丞相兼侍中贈儀同三司金源郡王完顏

希尹歡魯子大定十五年謚貞憲 太尉尚書左丞相

簡靖
兼太子太師完顏守道希尹孫明昌四年謚簡憲更謚

鎮撫懷孟贈特進習失完顏部人大定中謚威敏

贈開府儀同三司金源郡王妻室完顏部人皇統中謚莊

義 京兆尹隋國公活女妻室子天眷中謚貞濟

中書令贈金源郡王銀朮可大定十五年謚武襄 猛安

贈銀青光祿大夫麻吉銀朮可弟皇統中謚毅敏 元

帥金吾衛上將軍拔離速銀朮可弟天會中謚敏定

尚書宰相齊國公韓企先玉田人大定十五年謚簡懿

特進韓國公斜卯阿里父渾怛穆宗時內附不知何所人

正隆中謚智敏

翰林侍講學士 贈特進濮國公虞仲文寧遠人正統中謚

文正

大興尹榮國公赤蓋輝派皇人大定中謚武康

太傅領三省事贈太師晉國王捷不野一名大臭遼陽人

貞元中謚傑忠

樞密副使舒國公高彪渤海人正隆中謚桓壯

太師尚書令南陽郡王張浩渤海人本姓高東明王之後

大定中謚文康 叅知政事張汝霖浩子明昌元年謚
文襄

大醫使贈資政大夫祁宰江淮人力諫海陵被殺大和中
謚忠毅

章宗詔定功臣謚尚書省掾李秉鈞上言事有宜緩而
急若輕而重者名教是也伏見故贈資政大夫祁宰忠
言被誅慕義之士盡傷厥心世宗贈之以官陛下錄用
其子大惠也雖武王封比干之墓孔子譽夷齊之仁何
以異此徒以職非三品不在議謚之例臣竊疑之若職

至三品方謚當時居高官食厚祿者不爲無人皆畏罪
洵忍不伸一喙畫一策以爲社稷計卒使立名死節之
士願出醫卜流亦可少愧美臣以爲非常之人當以非
常之禮待乞詔特賜謚以旌其忠斯亦助名教之一端
也制曰可

太師梁晉王徒單恭本名斜也上京人海陵徒單后父貞
元二年謚忠

定國軍節度使太孫太師同判大睦親院事定國公徒單
公弼河北東路人尚世宗女息國公主興定五年謚忠

恪

太保廣平郡王李石遼陽人貞懿皇后弟太定十六年謚

襄簡

右丞相金源郡王紇石烈志寧上京人大定中謚武定

左丞相兼都元帥僕散忠義上京人宣獻皇后 兄大

定六年謚武莊

右丞相金源郡王紇石烈良弼本名婁室回怕川人大定

十五年謚誠敏後圖像衍慶宮更謚武定

右丞相石琚定州人大定中謚文獻

太師淄王徒單克寧萊州人大定末謚忠烈

平章政事濟國公撲撒揆忠義子泰和七年謚武肅

知樞密院事贈開府儀同三司克國劉彥宗宛平人天會

中謚英敏

禮部侍郎兼左補闕汾陽軍節度使許安仁交河人大定

中謚文簡

刑部尚書隴西郡公李愈正平人大定中謚清獻

平章政事英國公夾谷衡山東西路人承安中謚貞獻

尚書右丞移刺履遼東丹王七世孫明昌二年謚文獻

參知政事崇進金紫光祿大夫贈儀同三司壽國公張萬

公東河人泰和七年謚文貞

平章政事芮國公蒲察通中都路人明昌中謚成肅

參知政事程輝蔚州人承安元年謚忠簡

尚書右丞劉璋咸平人明昌中謚安敏

禮部尚書兼翰學士承旨李晏高平人承安二年謚文簡

吏部侍郎山東按察使贈朝列大夫李仲畧晏子泰和

五年謚襄獻

乾州節度使贈侍中道國公康公弼應州人謚忠肅

此出尚古

類氏編金史
康元弼無謚

知河中府馬伯祿三河人承安四年謚貞忠

工部侍郎安武軍節度使楊伯元尉氏人泰和三年謚達

左丞相都元帥僕散端中都路人宣宗時謚忠正

御史中丞贈通奉大夫李英益都人宣宗時謚剛貞

東北路招討使魚德昌軍節度使完顏鐵哥速頻路人貞

祐中謚勇毅

宣差都提控孟奎嘗為汲縣令貞祐初謚莊肅

權陝西東路轉運使行六部尚書王擴永平人定興中謚

剛毅

河中尹楊伯雄藁城人大定中謚莊獻

戶部尚書蕭貢咸陽人元光二年謚文簡

翰林待制贈翰林學士承旨溫迪罕締達女直人明昌五

年謚文成

戶部尚書張翰秀容人貞祐中謚達義

戶部尚書任天寵定陶人貞祐中謚純肅

太子太傅贈銀青榮祿大夫張行簡日照人貞祐中謚文

正

禮部尚書兼侍讀楊雲翼樂平人正大五年謚文獻

泰安州刺史贈泰安軍節度使速嘉安禮大名路人興定

中謚堅貞

金紫光祿大夫元帥左都監紇石烈鶴壽河北西路人興

定五年謚勇果

孟州防禦使贈資德大夫定國軍節度使蒲察婁室東北路

人興定中謚襄勇

鳳翔府路兵馬都總管府判官贈輔國上將軍恒州刺史

馬慶祥其先西域人徙狄道元兵攻鳳翔祥率兵殊死

戰天盡被執不屈而死謚忠憫 禮部尚書贈梁郡侯

馬正卿慶祥子金末謚忠懿

參知政事尼龐古鑑曷速館人謚文肅

右丞相儀同三司吳國公蔡松年真定人正隆中謚文簡

翰林學士承旨党懷英馬朔人大安三年謚文獻

臨潢尹贈太師廣平郡王徒單貞上京人章宗時謚莊簡

貞尚海陵妹與海陵同殺熙宗者女為章宗母故得謚

中都路轉運使王寂玉田人謚文肅

參知政事尚書左丞董師中洺州人大定中謚文定

吏部尚書梁肅奉聖州人大定中謚正憲

中都留守高霖東平人金末謚文簡

參知政事右丞耶律履上京人謚憲

觀州刺史贈崇義軍節度使高守約遼陽人金末謚忠敬

樞密副使胥持國繁峙人承安中謚通敏

威勝軍節度使趙愨女真人金末謚忠愨

翰林修撰魏璠元世祖徵至和林卒謚靖肅

補闕李大節元世祖謚貞肅

劉豫偽謚

祖謚毅文皇帝號徽祖

父謚睿文皇帝號衍祖

續文獻通考卷之一百四十六終

